

LA PREMIERE PARTIE DV RECVEIL DES PROPHETIES ET REVELA-
tions, tant anciennes que modernes : Laquelle contient vn sommaire des reuelations de
faincte Brigide, fainct cirille, & plusieurs autres faincts & religieux perfonnages :
nouuellement reueüe & corrigée oultre les précédentes impresions.

**A PARIS, Pour Robert le Mangnier, tenant sa boutique au Palais, en la galerie par ou
on va à la Chancellerie./ 1561. AVEC PRIVILEGE.**

112 x 162 mm, 14 pp.n.ch. et 190 pp.

CF. B.N. : V 49966

BENAZRA Pag 55 /

LA
PREMIERE
PARTIE DV RECVEIL
DES PROPHEITIES ET REVELA-
tions, tant anciennes que modernes:

*Laquelle contient un sommaire des revelations de sainte
Brigide; saint Cirille, & plusieurs autres saints
& religieux personnages: nouvellement
reueüe & corrigée oultre les
precedentes impressions.*



PARIS,
Pour Robert le Mangnier, tenant sa boutique au Palais,
en la gallerie par ou on va à la Chancellerie.

1561.

AVEC PRIVILEGE.

I. AVX THESSALONIENS.

cinquiesme chapitre.

Ne desprifez point les propheties,
esprouvez toutes choses, te-
nez ce qui est bon.

IEREMIE X. CHAP.

Ne craignez point les signe du ciel,
comme les Gentilz.

(C)

EXTRAICT DV
priuilege.

L a esté permis & octroyé,
par le Roy à Vincent Serten-
nas marchand Libraire de
ceste ville de Paris, d'imprimer &
exposer en vente le present liure,
intitulé Le recueil des propheties &
reuelations, tant anciennes que mo-
dernes: iusques au temps & terme
de six ans, à compter du iour qu'il se-
ra paracheué d'imprimer, avec inhi-
bitions & defenses à tous autres, de
iceluy imprimer n'exposer en vente,
sans son vouloir & consentement,
sur peine aux contreuenans de con-
fiscation des liures, d'amende arbi-
traire, & des dommages & interestz
dudict Sertenas, comme plus ample-
ment est contenu par le priuilege sur

ce expedié en Chancellerie. Le vingt
cinqüesme iour de Ianuier, l'an mil
cinq cens soixante.

Signé par le Conseil,

DECOURLAY.

S O N N E T.

*Ne cherche point (Lecteur) ces folz ambitieux,
Qui des Astres ayans un peu de cognoissance,
Veulent raiür à Dieu sa diuine puissance,
Predisans l'aduenir au peuple soucieux,
Sont abuseurs de peuple, & gens pernicious,
Qui blasphement de Dieu la tressainte ordonnance,
Quand par esprit humain & folle outrecuydance
Veulent tirer en bas ies grands secretz des cieux.
Cherche, cherche de Dieu la loy & les Prophetes,
Et tu y trouueras des choses plus secretes.
Les causes dont souffrons tant de calamitez
Se trouuent icy bas : sont noz iniquitez,
Qui vollent insqu'au ciel, & si fort nous infament,
Que l'ire du Seigneur encontre nous enflamment.*



LE TYPOGRAPHE
AV LECTEUR.

NE NE FAY DOVBTE
(amy lecteur) que plu-
sieurs medisans en leur
maniere acoustumée, ne
trouuent quelque chose à
redire en ce petit liure, encores qu'il y ait
passez quarante ans que premierement il a
esté mis en lumiere, tant en langaige vul-
gaire, qu'en Latin: depuis lequel temps ceux
qui y auroyent trouué quelque chose à ca-
lumnier, ont eu assez loisir de s'en decharger,
Mesmes i'en ay oy quelques vns se plaindre
que telles diuinations estoyent contraires à
la pieté chrestienne, qui nous commandoit
remettre toutes noz euures & actions en la

EPISTRE.

puissance, volonté, & disposition de Dieu, sans trop curieusement & avec superstition s'enquerir des choses futures, lesquelles (comme tesmoigne l'escripture) Dieu a reserüees à sa propre puissance, & pour ceste cause es estatz generaux de France, dernièrement tenuz à Orléans, non sans grãde raison les prognostications auoyent esté defendues, entãt mesmemēt qu'aucũs resueurs passans les termes d'Astrologie, se mesloyent de prognostiquer des choses aduenir, cõtre l'expres cõmandemēt de dieu. Certes telles & semblables remõstrãces m'auoyent presque induit & persuadé de plustost supprimer qu'imprimer le present recueil, encores qu'avec grãd labour il ait esté extraict de plusieurs & diuers autheurs, de saincteté & authorité recommandables. Mais pour plus m'en asseurer, ie l'ay bien voulu communiquer à des Theologiens & autres scauans personnages, lesquelz espeluchans plus exactemēt
les

A V L E C T E V R .

les choses, m'ont confirmé n'y auoir riens qui derogeast à la religion chrestienne, pour plusieurs raisons qu'ilz m'ont alleguées: mesmement qu'il y auoit bien grande difference entre la prognostication & la prophetie: entre la diuination & la reuelation: entre les sortileges ou enchantemens, & les euures miraculeuses d'autant quil y a grande difference entre les euures de Dieu, & les euures du Diable. Il est bien certain que ceux qui entreprennent par artifice, science, ou sort, predire des choses futures, sont criminelz de lese maicsté diuine d'entreprendre sur la puissance & autorité que le pere celeste s'est expressement reseruée. Mais aussi quand quelque deuot & religieux personnage uiuant sainctement, & en la crainte de dieu, predit quelque chose à venir, qui ne soit point contraire aux sainctes escriptures & doctrine euāgelique, qui empeschera d'estimer que ce soit prophetie, reuelation ou inspira-

E P I S T R E

tiō diuine, comme bien souuent dieu par sa bonté & clemence infinie nous veult pre- aduertir & admōnester paternellemēt des guerres, famines, pestilences, mortalitez, troubles, diuisions, & autres aduersitez, desquelz iustement il nous veult punir & chastier pour noz demerites, afin de voir si nous en serons excitez à chāger nostre mau- uaise vie, faire penitence de noz offenses, & nous retourner vers luy pour en obtenir grace & misericorde; autrement nous ren- dre plus coupables au iour qu'en son ire & fureur il nous viendra visiter, d'auoir con- temné & mesprise les aduertissemens qu'il nous en auoit au parauāt baillez, & lors sera acomply le prouerbe commun, Le fol ne croit tant qu'il recoit. Or quant à moy, ie dirois volontiers apres saint Paul aux Thessalonisiens cinquiesme chapitre: Ne desprifez point les propheties & reuelations: mais esprouuez toutes choses, & te- nez ce

A V L E C T E U R .

nez ce qui est bon . Pour ceste cause, & que ce n'est pas la premiere edition du present liure, i'ay aduisé qu'il n'y aura pas grãde offense (si offense y a) de le publier encore ceste fois sus la fin du temps que la prophetie y contenue est prochaine d'expirer, & selon que ie cognoistray de quelle grace ceste premiere partie aura esté par toy receue, i'auray occasion de te proposer la seconde, qui a esté de plus grand recherche & labour: car c'est vn extraict de tous les liures anciens, esquelz on a trouué quelque prophetie ou reuelation, soit generale ou particuliere . Ce pendant ie te supply affectueusement (amy Lecteur) prendre en bõne part ce qu'à present ie t'en communique, sans te scandalizer de riens, & si il y a quelque chose qui t'offense, la passer par conni- uence & dissimulation, & n'en tenir cõpte non plus que d'une chose friuole & faicte à plaisir. Et à Dieu.

CONTRE LES DEVINEURS,
ET PROGNOSTIQUEURS.

Deuter. 18. Nul en toy ne sera trouué magicien, vſant d'art magique, ny homme ayant regard au temps, & aux oyſeaux, ne enchanteur qui enchante, ne homme demãdant conſeil aux eſpritz familiers, ne deuins ne demãdãt aduis aux morts: Car tous ceux qui font telles choſes ſont abhominatiõ au Seigneur: & pource le Seigneur ton Dieu les exterminera.

Iſaye parlant à Egypte, chap. 19. Ou ſont maintenant tes ſages? qu'ilz t'annoncent maintenant quelles choſes le Seigneur des armées a decretées contre toy.

TABLE DES MATIERES
principales contenues en
ce present liure.

TRAICTE PREMIER.

L Es moyens par lesquelz l'homme peult iuger des choses aduenir.	fueillet 2.
Que la reuelation diuine ne doibt point estre cachée, mais publiée à chacun.	5
Que ce n'est point chose superstitieuse de croire aux constel- lations des planettes.	7
De l'honneur de l'Astrologie par raisons militantes, & par exemples des anciens.	8
Des vertus des corps celestes.	ibidem
Comment la certitude des choses passées & presentes fait foy aux choses aduenir.	9
Diuerses opinions sur les influences des planettes.	10
Vne oraison de l'auteur à la sainte Trinité.	12
De la qualité, du lieu & du temps d'une constellation admirable.	13
De la duration de la susdicté constellation.	14

SECOND TRAICTE.

Comment la constellation nommée au ix. chapitre du pre- mier traicté, fera son influence en l'Eglise, inclinant le chef d'icelle à diuerses infortunes.	16
De la fluctuation de l'Eglise, & de son chef, comprise par la representation d'Adam & Eue, par la reuelation de L'Abbé Iachim.	17

T A B L E.

Comment par reuelation de sainte Brigide les dangiers & schismes de l'Eglise apparoiſtront quand les François ſeront en paix avec les Allemans.	20
Probation de la vertu de la paix : avec vne exhortation aux Princes de porter honneur à l'Empire Romain.	21
Comment au temps de l'Empereur Frederic aduiendront de grans maux l'espace de xxij. ans & demy.	22
Comment par la reuelation de sainte Brigide l'Eglise ſera troublée au temps de Maximilian par les François.	24
Comment la Germanie inferieure ſe rebellera cõtre l'eſcus Empereur, par la reuelation d'une Sibylle & de Reynardus Ermite.	25
Comment l'Eglise vacillera es parties d'Allemaigne, deſſoubz les electeurs de l'Empire, par la representation des ſept Anges.	27
Combien durera la diſſention de l'Eglise : & comment ſe feront diuerſes rebellions.	28
Vne exhortation pour l'unité de l'Eglise, & pour la maintenance de l'empire Romain	30
Cõment en Allemaigne ſeſleuera un nouueau Prince qui prendra par armes pluſieurs terres d'Allemaigne.	32
Cõment apres la perſequution des iuſtes viendra la paix ainſi qu'en la paſſion de Ieſus Chriſt Pylate & Herodes furent amys	34
Declaration comment la dignité Imperiale a eſté donnée aux Allemans, figurée par le baſton de ſaint Pierre, qui fut apporté à Treues.	36
Comment les tyrans gaſteront l'Eueſché de Treues & de Coulogne, & vacquera le ſiege apoſtolic deſſus le ſigne du Loup, & de l'Ours.	38

T A B L E.

Comment il y aura trois faulx Prelatz, qui seront ostez
de leurs offices à cause de leurs predications erronnées.

40

Comment plusieurs religions seront remises sans auoir la
ferueur de l'amour diuin comme le temps passé. 41

Declaracion de la naissance des François, & de leur estat
futur dessus les proprieté du coq. 44

Le presage de sainte Brigide dessus la similitude du Lys
croissant au champ occidental. 45

Declaracion d'aucunes choses heurennes qui adisiendront
au royaume de France: ou l'expositiõ mystique des trois
Lys est declarée. 46

Comment la grande prosperité de la France l'esnouuera
contre l'Eglise & ses subiectz. 47

Comment le Roy de Boheme suscitera guerre & erreur
contre l'Eglise & en la fin perira mechamment. 49

Des Roys de Hongrie comment ilz feront plusieurs choses
pour maintenir l'Eglise: & se porteront noblement au
faict de la guerre. 51

Les infortunes & prosperitez du Comte Palatin, tant de
par la France que de par l'Empire. 52

Estat diuers de la comté de Palatin, preuen à cause des
confederations rompues, & de l'offense vers l'Em-
pereur. 53

L'estat futur de l'Empire, denoté par l'arbre qui fut veu
de Daniel, pareillement diuerses guerres entre les Chre-
stiens & les infideles. 57

Comment l'Eglise aura à souffrir par les infidiles, qui
en fin seront surmontez par les Hongres & Espa-
gnolz: & de la deliurance de Constantinople. 61

L'estat & disposition des Iuifz & infideles. 63

T A B L E.

<i>Probation de la vertu des influences es choses inferieures</i>	67
<i>De l'aduenement d'un saint & sage Prophete, qui reprimera les erreurs qui sont à l'encontre de la Foy, & preschera feruement la verité.</i>	69
<i>De la naissance d'un grand Roy, lequel sera de nouvelles loix & constitutions.</i>	70
<i>De la naissance d'un autre grand Prophete qui predira au peuple de grandes reuelations.</i>	72
<i>De l'aduenement d'un moyne gris, qui sera deceueur & hypocrite, & par faulx signes seduira plusieurs gens, & sera cause de grand' effusion de sang.</i>	73
<i>De la naissance d'un autre faulx Prophete qui par sa doctrine seduira les Princes & les Prelatz, comme un Antechrist.</i>	75
<i>Aduertissement de ceux qui ont eu des reuelations touchant l'estat & regime de l'Eglise.</i>	76
<i>De l'entrée d'un Empereur dedans Rome à main armée: lequel sera de grandes persecutions aux Prelatz & aux Clercs.</i>	77
<i>D'un saint homme qui sera consacré Pape, lequel reformera toute l'Eglise: & de trois autres personnages de sainte vie qui confermeront les constitutions d'iceluy.</i>	ibidem.

TIERS TRAICTE.

<i>Comment plusieurs seditions se mouueront en Hongrie, Boheme, & Baviere: par lesquelles plusieurs seront mis à mort.</i>	78
<i>De l'estat des Alsatiens, Syennois, Gaullois & Cymbrois.</i>	79

T A B L E.

De l'estat de l'Empire Romain.	ibidem
De l'estat de Franconie, Nigresylue & Rhenane contrée.	
80	
De l'estat de Moselle & de Treues.	ibidem
De l'estat de la France, Picardie, & des lieux circonvoisins.	ibidem
De l'estat des Saxons de Hasse & de Turinge.	81
Quelle chose designe ladicte constellation quant aux femmes grosses.	ibidem
Comment la susdicte constellation induira plusieurs à luxure abominable.	82
Comment pareillement ladicte constellation inclinera les femmes, les vierges & les religieuses à concupiscence charnelle.	ibidem
Probation des choses susdictes par raison naturelle.	83
Declaration comment l'influence des corps celestes peut durer long temps.	84
De la disposition des biens de la terre durant le temps de la susdicte coniuñction.	86
Comment aucuns climatz seront vexez de diuerses infortunes.	87
Exhortation au Lecteur.	94

Fin de la table.



La prophétie cadum de saint Cirille
LE RECVEIL DES RE-
uelations & predictions admirables de
Saincte Brigide, Sainct Cirille, &
autres anciens & notables personnages.



PESTE Prophetie mer-
 ueilleuse & iusques à
 present trouuée veri-
 table, a esté en partie
 reuelée diuinemēt, &
 en partie cōgneüe par la cōstellation
 des corps celestes. Et traicte de l'estat
 de l'Eglise aduenir, tant en spirituali-
 té que tēporalité. Pareillemēt des cho-
 ses qui doyuent adueuir à l'Empire
 Romain, aux Royaulmes de France,
 d'Espaigne, d'Angleterre, de Dace, de

RECUEIL DES

Hongrie, de Bohême, & des Allemagnes. Et la pluspart d'icelle a esté extraicte des reuelations de Sainct Cyrille, de Saincte Brigide de Sueue, de la Sibile de Crete, & d'un Sainct hermite Allemant, nommé Reynardus Lholhardus. Et commença l'an mil quatre cēs lxxxiiij. Et durera iusques à l'an mil cinq cens lxxij.

LE present liure est diuisé en trois parties. En la premiere il traicte de l'Astrologie, & comment par la constellation des corps celestes on peult preuoir les choses futures. La seconde traicte de l'Eglise & des Royaumes Chrestiens. Et la derniere de l'estat du commun peuple enuers leurs superieurs, & des biens de la terre.

LES

LES MOYENS PAR LES-
 quelz l'homme pent iuger des choses
 aduenir. ARTICLE PREMIER.

QOMBIEN que Dieu tout
 puisât ait reserué à foy
 la vraye congnoissan-
 ce des choses futures, &
 que nul ne puisse iuger certainement
 des choses aduenir: comme tesmoi-
 gne l'escripture, disant: *Ce n'est point* Art. 1.
à vous à cognoistre les temps ne les saisons
que le Pere a mis en sa propre puissance.
 Toutesfois de sa grande liberalité il
 donne à ses creatures de beaux dons,
 par lesquelz elles peuuent preuoir
 aucunement par coniecture lesdi-
 ctes choses aduenir: comme on voit
 des oyseaux qui denoncent la dispo-
 sition du temps aduenir par leur
 chant & mouuement: ou comme

RECUIL DES

quand le Soleil est rouge vers le soir, il demonstre la serenité du lendemain: & quand il est rouge au matin, il monstre la pluye aduenir deuers le soir: lesquelles choses sont ainsi ordonnées de Dieu: comme plusieurs ont escript bien amplement. Aristote a dict, que des choses futures contingentes la verité n'est point determinée, laquelle chose est vraye & difficile. Puis apres dict, que toute chose future aduiendra necessairement. Si ainsi est que toute chose future aduiendra necessairement, il fault que la cause precede: laquelle, comme dit Platon, est determinément congneüe seulement par le hault Createur de toutes choses: mais il a donné à l'homme raison, entendement, & puissance discursiue: par lesquelles il peult predire aucunes choses aduenir: principalement

cipalement par les corps celestes:lesquelz enclinent les hommes à diuers effectz.Et pour le dire en bref:il a donné à l'homme trois moyens particuliers , par lesquelz il peut iuger des choses aduenir . Le premier est Experience,par laquelle on a veu aduenir plusieurs choses de mesme effect, & par ce moyen les vieulx iugent de plusieurs choses futures. Le second est l'Astrologie:car comme dict Ptolomée, qui veult sçauoir les grans secretz aduenir, il doit cõtēpler les vertus des corps celestes, à cause que toutes les choses inferieures sont gouuernées d'iceulx, & inclinēt à diuers accidens sans necessité. Aristote dict que toute la vertu du monde inferieur despend du monde superieur. Le tiers moyen est par Reuelation: Car combien que Dieu ait seul la

RECUEIL DES

vraye congnoissance des choses futures: toutes fois il les reuele aucunes fois à aucuns par vision ou representatiõ, ou par ses anges, & autres moyens. Comme appert par le dict des Sibiles: lesquelles predifoyēt aux Gentilz & aux Romains plusieurs choses aduenir: comme celle qui dist, que le temple d'eternité ne seroit point destruiēt à Romme, tant qu'une vierge enfãteroit: laquelle chose fut trouuée vraye, & plusieurs autres choses, lesquelles elles ont dict diuinement: & ainsi les prophetes ont prophetisé plusieurs choses au vieil testamēt. Et au nouueau testament, Sainct Ian l'E-uangeliste, en se reposant dessus la poictrine de Iesus Christ, congneut les secretz des choses qui aduiẽdront à la fin du mōde. Je delaisse plusieurs autres: entre lesquelz est sainte Brigidē:

guide: laquelle a eu plusieurs reuelations, lesquelles nous alleguerōs souvent. Pareillement d'un saint hermite nommē Reynardus Lholhardus: comme il apparoitra plus à plain. Et Pour ce il suffit d'auoir ces troys moyens: par lesquels on peult auoir cōiecture des choses futures, lesquelles sont données par l'auteur de ce present liure, non par arrogāce, mais par exhortation gracieuse: afin d'auiser vn chacun: principalement les recteurs du peuple, afin qu'ilz donnent remede aux maulx que nous craignōs d'aduenir: car on dict communément, *Tela præuisa minus nocent.* c'est a dire que les coups de traict preueuz nuisent moins. Combien qu'ilz ne doiuent point craindre ne croire a vn chacun esprit: car la foy à present est rare par le monde, & ou il n'y

RECUEIL DES

a point de foy, les œuures font de nul effect. Et quand le conseil & les œuures s'ont perduz en la terre, il fault auoir recours à Dieu principalement. Et pource nous le deuons supplier deuotement: afin que par sa grace nous vueille pardonner noz offenses, & qu'il nous donne la grace d'acquiescer vertu, & de viure en paix, & faire telles œuures en ce mode, qu'il destourne son ire de nous, & qu'il soit tousiours pour nous, & contre nous nul ne pourra estre. Or Maintenant escoutez, quiconque aura des oreilles pour escouter.

PTOLOMEE.

L'homme sage dominera par dessus les influences des planettes, lesquelles ne produisent point necessairement leurs vertus es corps terrestres, mais seulement les inclinent: & pource

REVELATIONS.

5

pource on s'en peult garder par prudence & discretion.

ARISTOTE.

Les choses qui sont créées de leur nature sont bien disposées, & vn seul seigneur a donné puissance aux astres de les varier par leurs influéces es parties inferieures.

LA SIBILLE.

Nous sommes es limites & fins du monde, ausquelz les maux sont meslez avec les vertus, & pource chacun elise ce qui est bon, & delaisse le mauvais.

SAINCTE BRIGIDE.

Cõfie toy en Dieu, & fay du bien, afin que Dieu par sa grace, bonté & misericorde destourne les afflictions qu'il a reuelées à aucuns des siens.

REYNARDVS.

Sois prudent enuers plusieurs, &

RECVEIL DES

familier, mais ce que tu veux que les autres celent, tu le dois celer le premier.

QUE LA REVELATION

*diuine ne doit point estre cachée,
mais publiée à chacun.*

Chap. ij.

CELUY qui enfoüyt son argent à son plaisir, il abuse de son bien, & ne faiët à nully iniure: Mais celuy qui cache la science, est enuieux & faiët iniure à tous, à cause qu'il cache ce qui appartient à chacun: & pource on doit dire. Viuent ceux qui ayment science, & qui la sement: Car semer la science, est l'esleuer en honneur. Et pource le lecteur enuieux delaisse noz escriptz, & le sage les reprenne s'il y a chose qui soit à reprendre. Car de tous ceux qui sont en ce monde, aucuns ont science par doctrine,

ctrine, & aucuns par inspiration divine: & tout par le moyen du saint esprit. Nostre doctrine & escrit n'est point par humaine persuasion ne orgueil, mais en esprit de verité & simplicité, c'est chose naturelle à l'homme de cognoistre la verité par les effectz exterieurs: mais quand ilz surmōtēt les œuures naturelles communes on vient par miracle à cognoistre la chose supernaturelle. S. Ambroise dit que toute verité de quelconque bouche soit proferée, elle est du S. esprit. Et par ce moyen l'homme annonce souuent des choses qui sont vrayes aduenir, à cause que dieu tout puissant vse d'iceux comme organes pour manifester la verité quand ilz parlent droictement des corps celestes & de leurs influences. Les inuen-teurs des sciences ont dit plusieurs

RECUEIL DES

choses aduenir, & tout par le moyen du sainct esprit, lequel est la vraye verité: & par luy viēt la reuelation des superieurs aux inferieurs. Et pourtāt est dict au premier chapitre de Iob, que les bœufz labouroyent, & les asnes paissoyent, & estoient repeuz aupres d'eux. C'est adire que les infimes de ce mōde (qui sont figurez par les asnes) doiuent croire aux maieurs qui sont figurez par les bœufz: ce sōt les corps celestes. Et pource moy petit homōcule craignāt l'ire de Dieu, suis comme Ruth suyuant les moissonneurs (asçauoir les Philosophes & Astrologues) au chāp plein de labour, cueillant les espicz, & le fruit de diuerses escritures: & les iugemēs des coniunctiōs des planettes, des eclipses & passions des planettes, & ce qu'ilz veulent prefigurer, afin que

nous

nous en puisſiõs aduertir vn chacũ.

Q V E C E N' E S T P O I N T

*choſe ſuperſticiuſe de croire aux con-
ſtellations des planettes.*

Chap. ij.

A Ristote dit que nul n'est bon iu-
ge des choses qu'il ignore. Les
Philosophes ont dict que les effectz
naturelz & volũtaires ont leurs prin-
cipes des corps celestes, à cause que
necessairement ce monde inferieur
est subiect aux actions du superieur,
& est gouverné par luy, & pource les
indoctes qui n'en ont la cognoissan-
ce se deuroiẽt taire plustost que d'v-
fer de detraction, de peur que leur
ignorãce ne soit declarée. Et s'il leur
semble qu'ilz soyent doctes, ilz sont
deceuz, pource qu'ilz veulent iuger
des choses qu'ilz ignorent. Et pource
dit Aristote au tiers de sa Metaphisi-

RECUEIL DES

que, qu'il n'est point possible d'oster le lien d'ignorance à l'ignorant, ne de luy monstrer choses difficiles : mais bien à ceux qui entendent les escritz des sages ausquelz du tout ie me conformeray quant à la cõiunction des planettes, & de la grãde eclipse, combien que l'opiniõ de plusieurs temeraires & superstitieux soit contraire, & tant ont induit le peuple par leur doctrine folle à croire que c'est chose vaine des influences des corps celestes, des eclipses & coniunctions d'iceux, & que nullement iceux n'induisent à guerre, à amour, à diuision & confederation, disans que toutes ces choses sont submises au liberal arbitre des hõmes: Toutesfois ilz ne scauroyent denier les effectz naturelz d'iceux experimẽtez & cogneuz de lõg temps, tant par le cõmun peuple, que
par

par les Philosophes, C'est donc chose vaine d'en parler par tel moyen à ceux qui ne sçauroyent prouuer le contraire, qui ne font que detracter des prudens & bien experimētez en cest affaire.

DE L'HONNEUR D'ASTROLOGIE

*par raisons militantes, & par les
exemples des anciens.*

Chap. iiij.

NOUS auons demonstéré en partie que ce n'est point chose vaine d'auoir cognoissāce des influēces celestes, et que prognosticatiō est chose magnifique & salutaire: car cōme dit Cicero en son liure des diuinations, les Romains monarches de tout le monde, auoyent accoustumé d'observer les cours des planettes, les augures & diuinations, quand ilz vouloyēt faire quelque bataille. Et Moy-

RECUEIL DES

se print Tharbis la fille du Roy d'Ethiopia dedans la cité de Saba, laquelle le regarda quand il se voulut partir d'icelle : car il estoit bon astrologue, & tailla deux imaiges en deux pierres precieuses, desquelles l'une donnoit memoire d'amour, & l'autre oubliance, desquelles il bailla à sa femme celle qui donnoit oubliance, & l'autre la retint, & alors elle perdit l'amour qu'elle auoit en luy, & s'en alla en Egypte sans regretz. Les Atheniens qui ont esté les plus estimés du monde en sciences & en cōseil, pour gouverner les choses publiques, ont vŕé des reuelations des Prophetes, & ont tousiours honoré l'Astrologie.

DES VERTVS DES
corps celestes. Chap. v.

ANciennement les Astrologues estoient en si grand honneur que

que deuant tous autres estoient eleuz pour l'administratiõ des choses spirituelles, comme sont les Euesques: mais par l'infortune de Mercure tout est aboly, & sont tous pauures, sans auoir ayde de ceux qui sont soubz Iupiter. Les Lacedemoniẽs n'ont ilz point donnẽ à leur Roy vn Astrologue, lequel estoit en honneur, & par sa reuelatiõ la chose publique estoit gouvernẽe? Et iamais nul ne fut eleu Roy de Perse, qu'il ne fust instruiet es ars liberaulx, & qu'il ne fust mathematicien. Romulus n'a-il pas edifiẽ la ville de Rome par auspicatiõ & diuination tirẽe par le vol ou cry des oyseaux? Et depuis luy les consulz & prestres ont tenu leur religion en authoritẽ, suyuant les cours des planettes, & par ce moyen regnoyẽt en honneur, & enuoyoyent tous les ans six

RECUEIL DES

enfans nobles en Ethrurie, pour apprendre ladiète science. Maintesfois comme recite Titus Liuius, les Romains ont cōmandé que les Preteurs allassent visiter les liures des Sibilles quād ilz vouloiēt faire chose de haute entreprinse, ou quand ilz voyoyēt quelque chose en l'air, qui denōçoit aux Romains quelque infortune aduenir : Et quasi tousiours les reuelations des Mathematiciēs correspondoient aux vers de la Sibille.

*LA CERTITUDE DES CHOSES
passées & presentes, fait foy aux choses
aduenir. Chapitre vj.*

LEs raisons susdictes font quelque chose à nostre propos : mais ceux qui me cognoissent depuis que ie suis residēt en mon hermitage es parties d'Allemaigne, ont cogneu que j'ay predict par l'espace de vingt ans
les

les choses aduenir : & sont aduenues ainsi comme nous les auions reuelées à plusieurs : mais ie delaisse pour le present d'en parler , & me suffist que tant les doctes que les indoctes, tant les Chrestiens qu'infideles confessent qu'on peult predire les choses futures par le cours des astres, cōme on a esprouué et prouue lō de iour en iour. Qui est celuy qui est tant rude d'esprit & de si mauuaises mœurs, & tāt insensé, que quand il regarde le ciel, qui voulsist denier que la terre & tout ce qui y est ne soit gouuernée de l'ordonnance de Dieu, par les corps celestes ? S'ainsi estoit qu'il y eust quelque vn d'opinion contraire, ie luy dirois qu'il offense Dieu , par les raisons & moyens qui s'ensuyuent.

RECUEIL DES
DIVERSES OPINIONS SUR LES
influences des Planettes. *Chapitre vij.*

HElas pauvre miserable! ne com-
prends tu point que les astres con-
duisent ce monde inferieur, quand
par leur mouuement tu vois changer
le temps, tu les vois aucunesfois à vn
costé, aucunesfois à l'autre, aucunes-
fois hault, aucunesfois bas aller, ve-
nir, se mōstrer, apres se cacher, main-
tenant vers Orient, tantost vers Occi-
dent, & changēt l'air par leur vertu?
Il fault faire avec telles gens comme
avec ceux qui niēt les choses euiden-
tes, comme s'ilz disoyent que le feu
n'est point chault.

Aucuns sont qui ne tiennent con-
te de sçauoir les choses futures, & se
mocquēt des Astrologues. Ceux sont
bestiaux, & se gouuernēt comme les
bestes brutes, ne tenant conte de rien
finon

finon de ce qu'ilz voyent.

Aucũs font qui croyẽt, mais ilz ne veulẽt sçauoir, à cause que c'est chose iuste de cognoistre le mal aduenir & cuident que telles choses aduendront necessairement, & qu'on ne les pourra euitter, & telles gens font opiniastres, car on trouue le contraire vray, comme nous auons dit cy dessus, & font dignes de reprehension.

Aucuns croyent & veulent sçauoir, mais ilz ne suyũent point le conseil des Astronomes. Aucuns Astronomes cognoissent les bõnes influences & les mauuaises, ilz prennent les bõnes, & laissent les mauuaises, & ne les veulent entendre.

Aucuns se delectent quelque fois aux iugemens de l'Astrologie iudiciaire, puis soudain les delaisẽt. Telles gens font inconstãs & imprudẽs.

RECUEIL DES

Aucuns font qui croyent & prennent labour de ſçauoir, & ſ'efforcent de congnoiſtre la verité, afin qu'ilz puiſſent obuier aux maux aduenir, & ſe pouruoir des choſes à eux neceſſaires. Et telles gens meritent d'eſtre nommez prudens, & peuuent facilement euitier par leur prudence le mal futur, & pour iceux auons voulu cõpoſer ce petit liure.

Mais la difficulté de noſtre œuyre, & la profõdité des choſes qu'il fault congnoiſtre, la briefueté du temps, & la multitude des enuieux, m'admonneſtent de requerir la grace de Dieu tout puiſſant, à cauſe que i'ay entrepris choſes plus grãdes que ne conuient à la capacité de mon rude entendement.

Oraiſon

ORAIISON DE L'AVTHEVR A LA
Sainct: Trinité. Chap. viij.

BENOISTE soit la maiesté hautai-
ne du Createur: qui par sa diuine
prouidēce pouruoit à toutes ses crea-
tures, qui pour nous monstret sa bon-
té infinie & immuable, nous a donné
des signes admirables, par lesquelz
sont admonnestez plusieurs de leur
salut. Et pour ce moy indigne te prie
mon Createur, que tu verifies mes pa-
rolles, & que tu me conduises selon
le chemin de verité: laquelle tu as de-
terminée deuant le commencement
du mōde. Et comme dict saint Gre-
goire au xij. de ses morales: toutes les
choses qui se font en ce mōde se font
par le iugement de Dieu, ou par son
conseil occult: car luy seul cōgnois-
sant les choses qui aduiendront, les a
determinées deuant la creation du

B iiiij

RECVEIL DES

monde. Il est deslors determiné quelle fortune ou infortune doit aduenir aux hommes: laquelle chose a declairé Albert le grand en son miroir, disât. Quand dieu a esté du les cieux cōme on faiēt la peau d'vn aigneau, il a voulu qu'en icelle, par sa diuine bōté y eust des lettres escriptes, lesquelles sont au liure d'eternité, dedans lequel toutes choses sont veritables. Et pour ce, si par mes faultes ie predis quelque chose non veritable, il me doit estre imputé & non à autre, car combien que soyent bien disposez les corps celestes, toutesfois en tous temps aduiennent plusieurs infortunes, lesquelles procedent de la rotondité du ciel. Et pour ce vray Createur & modérateur du monde, qui as créé le Soleil & la Lune, qui disposez le cours, le mouuement agile du firmament,

ment, & le conduis tous les iours d'orient en occident, qui soustiens tous les cieux, & les gouuernes, & soustiës sans estre las, auquel toutes les choses crées sont subiectes: Le viens vers toy afin que tu me donnes quelque petite portion de ta misericorde. Je suis la pauvre Ruth, qui te supplie que tu me donnes la grace que ie puisse dire chose qui soit veritable selõ le cours de tes planettes & estoilles, en illustrant mon entendement des rays de ta splendeur incomprehensible, afin que ie puisse cheminer par la voye de verité, & predire chose qui soit vtile à vn chacun.

*LA QUALITE, LE LIEU, ET LE
temps d'une constellation admirable. Chap. ix.*

NOus deuons considerer vne conjunction des planettes principales, c'est à sçauoir de Saturne & de

RECVEIL DES

Iupiter, laquelle fut faicte l'an mil quatre cens lxxxiiij. le xxv. de Novembre, à six heures & quatre minutes apres midy, alors que Cácer estoit dessus nostre horison & horoscope. Et fut ceste coniunction fort à craindre, demostrant des grandes calamitez aduenir. Et ceste ou semblable cõiunction de long temps n'a point esté veüe, ne sera de longues reuolutions, & pour ce est de plus forte influence, & a esté ceste coniunction infortunée en vn receptacle malheureux. C'est asçauoir en la maison du Scorpion, au xxiiij. degré & xliij. minutes, en laquelle fesiouist Mars le felon & desloyal. Et lors Iupiter le gracieux fut opprimé de Saturne le mal ueillãt, lequel estoit esleué en son cercle & eccetrice, principalement vers les parties de Septétrion. Alors Mars triomphoit

trionphoit dessus ceste cōiunction, d'autant qu'il estoit seigneur du ciel, & regardoit en bas avec ferocité, & estoit en son propre domicile exalté, & gouvernoit la disposition des autres planettes à son vouloir. Et fut le bon Iupiter fort affligé, à cause qu'il auoit deux ennemis, & ne pouuoit resister à la violēce d'iceux, & ne peut donner aux hommes les secours qu'il auoit accoustumé.

*DE LA DURATION DE CESTE
constellation. Chap. x.*

ET pour ce que l'effect de ceste maligne coniunction durera long temps, c'est asçauoir depuis le temps nommé iusques à l'an mil cinq cens lxvij, Nous parlerons d'aucunes qui aduiendront pendant ce temps, lesquelles quand elles seront bien considérées, à cause de leur commixtion

RECUEIL DES

produirōt quasi vn mesme effect que ladicte conionction dessus nōmée.

Premier, il aduint en l'an mil quatre cēs lxxxv. le xvj. de Mars vne horrible & cruelle eclipse de Soleil, laquelle est suruenue à la conionction dessus nommée, & rendra l'effect d'icelle encore pire que parauant: principalement par vne nouuelle conionction des infortunées planettes de Saturne & de Mars, & fera le dernier iour de Nouembre, au ix. degré du Scorpion, à l'heure de la combustiō imparfaicte de la Lune: en laquelle Saturne l'enuieux par son eleuation total a opprimé Mars en son domicile: & pource sont plusieurs tesmoignages procedans des constellations mauuaises, qui denoncent de grands maulx aduenir.

Depuis il n'y a pas long tēps qu'il
a esté

a esté faiçte vne conionction de Iupiter le benign, & de Mars le cruel au xviii. degré du Scorpion, mais en icelle la beneuolence de Iupiter a moderé la malice de Mars, & des autres mauuaises constellations, à cause de son eleuatiõ heureuse dessus iceluy.

Après icelles nous est venu à plaisir de reduire à memoire aucunes grandes cõionctions, lesquelles au temps passé ont produict des effectz merueilleux, lesquels selon l'opiniõ d'aucuns durent iusques au tẽps present.

La grande conionction qui fut deuant le deluge vint petit à petit iusques au xv. degré de Leo, & xij. minutes, & vint assez lentement, tellement qu'on ne se donnoit point de garde d'icelle.

Le regime de ce monde & le gouuernemẽt distributif de Justice a esté

RECUEIL DES

deuolué iusques à la Lune, & a prins sa puissance:& le degré qu'on nomme le degré de direction a duiet iusques à la quinte partie de libra, & en est possesseur: & la Lune se donne la puissance de la diuision d'iceluy.


Les grandes conionctions lesquelles ont precedé & signifié l'aduènement de nostre Seigneur, le mouuement & domination de l'ascendant dudiect an fust deuolué iusques au xiiij.degré de Libra. Et la perfection de la conionction vint au xix. degré d'Aries, auquel fut receu le degré de perfection de l'ascendant au xij. degré du Scorpion, duquel Venus fut celuy qui fut le diuiseur.

Le second

LE SECOND TRACTE LEQUEL
*commence à parler de la grãde conionction dessusdictẽ
ensuyuant la doctrine du vers (Tu supplex ora, tu pro
tege, tuque labora) lequel parle au Pape, à l'Empe-
reur & aux Labourers.*

NOus auons intention de decla-
rer cy apres la puissance & les ef-
fectz de l'eclipse & conionction des-
sus nommée. Et dirons quelles cho-
ses elles produirõnt dessus la terre par
leurs rays infortunez, sans vouloir de-
roguer à la volonté diuine, ny au li-
beral arbitre des hommes. Et prote-
ste que tout ce que ie diray ou reue-
leray, sera conduict & mué selon la
volonté & benignité de Dieu tout
puissant. Et aussi selon Ptolomée les
iugemens des Astronomes doiuent
estre remis entre les choses necessai-
res & contingentes.

RECVEIL DES
COMMENT LA CONSTELLATION
*nommée au ix. chapitre du premier traité, fera son
influence en l'Eglise, inclinant le chef d'icelle
à diuerses infortunes. Chap. i.*

ELVY qui tient le sainct sie-
ge Apostolicque, & qui tiët
le gouernal du nauire de
sainct Pierre, doit escouter au temps
aduenir. Et combien qu'il soit prin-
cipal du monde, & qu'il semble qu'il
ne soit point subiect aux influences
celestes, toutesfois il n'a point puis-
sance d'empescher leur effect. Sa for-
tune est gouuernée par la volonté de
Dieu. Et celuy qui sera esleué par ses
merites, aura la clef de verité, & pour-
ra icelle aucunement euitter l'ordre
& la complexion des causes superieu-
res à cause de vertu: Mais comment
qu'il en aduienne, ie prie le Seigneur
des Seigneurs, qu'il vueille estendre
son manteau de grace dessus, & qu'il
luy

luy dōne iour heureux pour son election, afin qu'il soit intronisé à bonne heure. Iesus christ, qui fut enuoyé de son pere en terre, ne fut point excepté de la loy de nature, par plus forte raison, vt homme mortel ne doit point estre excepté des influences ordonnées par la volūté de Dieu, lesquelles souuent sont preueües des hommes, par le cours des astres.

*DE LA FLUCTVATION DE L'E-
glise, & de son chef, comprinsé par la representa-
tion d'Adam & Eue, par la reuelation
de l'Abbé Ioachim. Chap. ij.*

LA cité située dessus la montaigne, selon l'exposition de l'Euangile, Matth. 5. ne peult estre cachée au tēps present. Car deuant que l'influence de la dangereuse eclipse dessus nommée soit passée, il aduiēdra plusieurs inconueniens à l'Eglise, & à la nau-

RECVEIL DES

re de sainct Pierre .

Ceste nauire sera fort agitée de costé & d'autre, par les vndes & tempestes de la mer, & sera cassée, & nagera en grand danger, tellement qu'on ne sçaura de quel costé elle sera soustenuë. Et pour ce, si Dieu tout puissant ne la garde, elle endurera diuers dangers & diuisions, & semblera qu'elle soit submergée. Mais il nous est certain que ladicte nauire iamais ne sera periclitée & perdue, cōbien qu'elle soit agitée & vexée des vndes, fluctuations, & tempestes de la mer.

L'Abbé Ioachin dict dessus Ieremie, touchant l'estat de l'Eglise, qu'il y a vn figuier, lequel par maledictiō est deseiché, & vn autre, lequel represente l'eglise Latine, lequel a des fueilles, dont on faiçt des ceintz, desquelz elle se pare honnestement, pour excuser

cusser & trouuer excusations en pechez. Et tant Adam representant le Pape, comme Eue, laquelle montre les subietz de l'Eglise, se cachent pauurement deffoubz le boys de la gloire Ecclesiastique. Mais pour ce que les Papes ont eu des Princes Chrestiens le patrimoine de Iesus Christ, ledit patrimoine a esté comme le boys de bien & de mal, de bien quant à la sustentation de leur vie, & de mal quant à l'abus & dissipation d'iceux. Ilz desirent estre veus cōme les grans par dessus le peuple, & auoir grande renommée par dessus tout le peuple Chrestié, & par tous les Royaumes, & ne sont point cōtens du fruiet de l'arbre ne, des autres choses desquelles estoit licite à plusieurs d'y ser, & conioignent avec eux les femmes des populaires riches, par la suggestion du

RECUEIL DES

*Prophetie
des gēs ec-
clesiasti-
ques mal
vilians.* serpent, pareillement les docteurs &
autres pilliers . Mais, hélas! ie crains
que par le conseil d'aucuns qui vi-
uent peruerfement ou viuront, que
les simples, les debiles, les forts & les
fçauans qui vivent temerairement, &
contre le commandement de Dieu,
& font remplis de science qui enfle,
& n'edifie point, mais destruiët, qui
vsurpent les fruiëtz des biens tempo-
relz, feront deiettez en brief de la di-
gnité ecclesiastique, & feront dispers
deffus la terre, & habiteront en la ter-
re de Cayn vestus de peaux de honte
& de confusion.

Et Ieremie au lieu deffus allegué
dit: Il aduiendra que tout ainfi com-
me les Iuifz ont prins haine & mal-
ueillance à l'encontre de Iesus christ
& de fes disciples, que les faux Chre-
stiës s'elueueront cōtre l'esprit saint
&

& contre l'Eglise & ceux qui la sou-
stiennēt: car selon sainte Brigide, en
son quart liure des reuelatiōs est dit.
Malediction & de rechef maledictiō
quand vn enfant sera assiz au siege de
la fleur de lys. Et en ce temps aduien-
dra tribulation en l'Eglise Romaine.
Car Dieu peult aussi susciter les Fran-
çois à l'encontre de l'Eglise. Et quād
l'Eglise Romaine defaudra quant à
obeissāce, & les prelatz tirerōt d'Ale-
magne aucũs tresors, et esleuerōt leurs
enfans en dignité seculiere, & que la
mere volera avec sō petit, lors le peu-
ple Chrestien viendra à guerroyer, &
lors y aura clameurs et vrlemens des-
sus tout hōme. Le maistre des astres
est venu, doncques les iuges s'en ail-
lent enhorter le peuple, & annoncer
qu'il garde que la nauire ne soit plō-
gée. Car si Dieu n'apparoist, S. Pierre

RECVEIL DES

fera en doute, à cause que les prelatz seront affligez, afin qu'ils ne preschēt la parole de Dieu. Et ces choses seront faiçtes par l'oppression de Iupiter le benign, faiçte en la maison de Mars le cruel. Laquelle chose démontrera l'eclipse, avec la reuolution de l'an du mōde, quād le moderne & sō successeur prochain suscitera la mere de l'Aigle à l'encontre des Princes de la vierge. Alors Mars se courroucera aux Iouiens qui resident vers le Ryn & vers la mer occidentale, & rachetera le petit, lequel aura fort à souffrir de ses subietz. Et de ce moult de maulx aduiendront, & le chef de la Foy, comme vn arbre qui ne porte fruiçt, se trespasera de ce monde: & fera mal obey ou il fera. Et alors la ville de Rome à grand peine sera digne d'auoir ses prelatz accoustumez.

Comment

COMMENT PAR LA REVELA-
 tion de sainte Brigide, les dangers & scismes
 de l'Eglise apparoiſtront, quand les Fran-
 çois ſeront en paix avec les Allemans.
 Chapitre ij.

SAINTE Brigide dit au liure de ſes
 Reuelations, que deſſoubz la gran-
 de aigle, laquelle nourrira le feu en
 ſon cœur, l'Eglise ſera opprimée: car
 Dieu a la puissance de prouoquer les
 Allemãs, qui ſe cōfient plus de leur
 puissance humaine que de celle de
 Dieu, à faire aſſaulx à l'encōtre de l'E-
 glife, & de vexer le Clergé. Et ainſi
 eſt neceſſaire que ſainct Pierre ſe pre-
 pare à ſ'enfuir, pour euiten ſeruitude.
 Alors l'Eglise occidētale ſe doit gar-
 der que la puissance Gallicane ne
 luy ſoit appuyement d'vne ronce, à
 laquelle quand on ſe veult appuyer,
 on ſe perce les mains. Ainſi eſt don-
 né à entendre comment les Allemãs

RECVEIL DES

Scorpionistes seront cōfederez avec
le Lys : & alors l'Eglise portera la
croix de lamentation auprès du Rin.
Et en la terre de la Lune vers la Mer
occidentale feront veuz des maux
qui iamais ne furent ouyz, à cause
qu'alors Saturne fulminera sa senten-
ce dessus ses subiectz, quand il entre-
ra en sa maison propre : & alors les
Romains hesiteront en la foy, laquel-
le chose n'a esté veüe de long temps,
& viendront des temps dangereux
en l'Eglise sainct Pierre, & des diui-
sions entre les Cardinaulx, & dure-
ront iceux maux long téps, & sont
figurez Iudicum vj. par les sept che-
veux de Samson, desquelz la nation
d'Allemaigne doit estre ornée, & les
ont voulu arracher ceux de Gand,
de Bruges, de Fládres, & de Picardie,
lesquelz ont delaiissé leurs princes &
confederez

confederez aufquelz auoyent fiancee:
& pour ce le chef fera debile apres
qu'il aura perdu fes cheueux, comme
fut Samfon apres qu'il eut perdu les
fiens.

PAR DIVERS EXEMPLES L'AU-
teur prouue la vertu de paix, induisant les Princes
à l'honneur de l'Empire Romain.
Chapitre iiij.

IL est de nature chose bien ordon-
née qu'en toute vniuersité y ayt vn
chef pour garder l'vnité d'icelle, &
par ce moyen chacun est plus loing
de danger. Et pour ce les Grues ont
vn duc qui leur monstre le chemin,
quand elles volent, ou qu'elles dor-
ment. Quand les Abeilles font leur
miel, elles ont vn Roy, avec lequel
s'assemblent. Pareille chose est des
Formis. Semblablement est quand
les gendarmes sont en la guerre, ilz

RECUEIL DES

ont vn capitaine, auquel ilz obeissent. Et pource le prince des philosophes Aristote dit, que la pluralité des principautez est mauuaise: & pource il dit qu'il en doit estre vn auquel les autres doibuent porter honneur & obeir en bien, pour defendre la chose publique. Et pource i'admoneste que tous ceux qui sont Chrestiens ayent vn chef monarque, auquel s'adressent, & par lequel se conduisent. Quand nostre sauueur vint en ce monde, il honora l'empire Romain, d'autant qu'il appaisa l'empereur, & fist cesser la guerre par toute la terre, pour monstrier que nous deuous aymer la paix: & pour ce nō sans cause fut dit par Daud: Es iours du seigneur Iesus Christ naistra abondance de paix. De-rechef nostre Sauueur a honoré
l'empire

l'empire Romain, d'autant qu'il dit (comme est recité Matth. xxij.) Rendez les choses qui appartiennent à Cefar, à Cefar. D'auantage quand il voulut partir de ce monde, il confirma l'empire deffusdict (comme prouue faint Luc.) Car ses Apostres luy dirent: Sire, voicy deux glaiues: & alors respōdit: C'est assez, il suffit. Par ceste parole Iesus Christ a approuué la puissance imperiale.

Item quasi à l'heure de sa mort a confirmé l'honneur de l'Empire souuent nommé: Car quād Pilate se van-
toit de le mettre à mort, alors il luy dist, qu'il n'auroit point de puissance qu'elle ne luy fust dōnée d'enhault. Aucuns exposent d'enhault: c'est adire du ciel celeste: ou autrement d'enhault: c'est adire de Cefar, lequel auoit constitué Pilate iuge en cest af-

RECUEIL DES

faire. Et pource crioyent les Iuifz: Si tu le delaiſſes, tu ne ſeras point amy de Ceſar.

D'auantage l'empire Romain eſt honoré de ce qu'il eſt dit, que durãt iceluy ne viendra point l'homme plein de peché, le filz de perdition Antechriſt. Et pource ſainct Paul ad Teſſal. au chapitre ſecond de la ſeconde Epiſtre admonneſte l'Empereur, diſant: Qui tient ſi tienne. Leſquelles choſes veulēt dire qu'on doit maintenir l'Empire en ſa valeur: car alors qu'il ſera oſté l'Antechriſt viendra & approchera la fin du monde.

*COMMENT AV TEMPS DE L'EM-
pereur Frederic aduendront de grands maux l'eſpa-
ce de xxij. ans & demy. Chapitre v.*

A Pres le regne de l'empereur Fre-
deric tiers de ce nom, abondera
toute iniquité & infidelité, tellement
qu'à

qu'à grand' peine se pourra faire election, & dira le peuple que le temps passé estoit plus pacifique & plus heureux que ledict temps. Et pource est dict aux Pseaumes qu'en vn temps viendra abondance de paix, & apres sera ostée la Lune, c'est adire l'empire Romain. Sainct Paul dit: Sachez que vers la fin du monde, il aduendra de grandes tribulations & guerres, lesquelles n'ont point esté veües parauant, & dureront long temps, & pourtant tous Chrestiens doiuent craindre Dieu & aymer leur prince superlatif, car qui fera le contraire, mourra cōme schismatique. Je cognois (prince haultain) que i'ay commencé vn œuure grand & difficile, car ce n'est point chose de petit poix de parler de l'estat des Empereurs. Et d'auantage il fault auoir bon entendement,

RECUEIL DES

pour comprendre le mouuement des
cieux , & les influences des planettes,
& les conionctions, desquelles les si-
gnifications durēt iusques au temps
present, & dureront à cause de l'ecli-
pse laquelle s'est adioincte avec icel-
le, combien qu'ilz ayent diuerses cau-
ses, & d'icelles par ordre admirable
sera à cause que la connexion pro-
duict vne mesme dispositiō. Et pour
reuenir à nostre propos quant à l'ele-
ction des Empereurs, elle sera diffici-
le, & il suruiendra de grandes fortu-
nes. Et du temps d'iceux se mouuera
de grandes haynes entre les princes,
& beaucoup de fraudes & deceptiōs,
& de grandes batailles entre les no-
bles, & seront plusieurs seigneurs re-
belles à l'empire, & quād vne guerre
sera finée, l'autre recommencera.

Comment

COMMENT PAR LA REVELATION
de sainte Brigide, l'Eglise sera troublée au temps de
Maximilian par les François. Chap. vi.

IL est escrit au liure des tribulatiōs,
Ique Moab & Amon les deux filz
de Loth, qui furent nez d'inceste, desi-
gnent deux generations, c'est asça-
voir le Lyon sauuage, & le Lys occi-
dental, lesquelz feront assaulx & ba-
tailles au champ de la Vierge, alors
que l'Aigle volera avec son petit. Et
alors se fera grande confederation
es parties d'Orient par les Leonistes.
Et les Baioriques seront en tristesse.

Sainct François & sainte Brigide
disent: Il viendra vn Roy à la face pu-
dique (qui est celuy, Dieu le sçait) &
dessoubz luy l'Eglise sera oppressée,
& les gens d'Eglise vexez par tout. Et
alors seront preparés aucuns Baio-
riques à faire nuyfance à l'Eglise Ro-

RECUEIL DES

maine, soy confians plus de leur tyrannie, que de la puissance de Dieu. Alors le roy François surmontant les Allemãs, en tuera beaucoup, mais en la fin il succombera. Et celuy à la face pudique regnera par tout, & en entrant au nid de l'Aigle sa mere, tiendra sa monarchie depuis Orient iusques en Occident.

Il est escript au liure des reuelations de Reynardus Lholhardus. Le Loup, c'est la terre occidentale, deictera l'Aigle, & son petit militera: d'auantage ses propres luy dechireront la peau, & demourera nud, cherchât ayde, & n'en trouuera point. Alors l'Aigle deictée des terres de Virgo, esmouuera la fleur de Lys, & s'enuolera vers les parties de Midy, pour recouurer ce qu'elle auoit perdu. Apres viendra le Cheualier signé en la poitrine

étrine , lequel apres dix ans passez mettra à mort le Lyon, & alors s'eleuera la grand' Aigle, laquelle chastiera les principaux, & ceux qui habitent en la mer, militeront en tristesse. Qui pourra resister à luy, quand il aura puissance d'enhault? Il acquerra trois royaumes, & le peuple crierà: Væ, væ, c'est adire, malheur sur nous. Ceste grande Aigle dormira encore cinq ans, & s'eleuera & cōmencera à se deuiser avec le Lys, & fera trembler les montaignes orgueilleuses. Elle estendra ses æsles à la proye, & aguifera ses ongles pour mieux prendre, & ouurira son bec pour deuorer. Du son de ses æsles, elle troublera les villes & les chasteaux. Et en ce temps sera grand dueil & aigre, plus qu'on n'a veu de long temps. Ceux qui demeurent es eaux occidentales en la terre de Vir-

RECUEIL DES

go viuront sans tristesse, le Lys sera en paix, & sera toujours nommée noble d'iceux, & ce viendra par le Soleil adioinct avec le Lyon. Et viuant vn Coq en sera crée vn autre, qui donnera faueur à l'Aigle.

*LA GERMANIE INFÉRIEURE SE
rebellera contre l'esleu Empereur, par la reuelation
d'une Sibille, & de Reynardus ermite. Chap. viij.*

LA sibille Cumane parlât en esprit de prophetie, a dict: Apres petit de temps sortira l'Aigle des rochers d'Alemaigne, accompagnée de plusieurs Griffons, & volera au iardin du Chresme, & celuy qui sera assis au siege du pasteur sera dechassé du cinqiesme lieu au septiesme. Il assauldra celuy qui aura blessé s^{on} pere, & le deuorera & detiendra son nid l'espace de cinquante ans, durant lesquelz ne sera point paix es terres de la Vierge, pendant

pendât ce temps regnera vne nation sans chef, apres s'adioindra à l'Aigle. Nous auons la figure au liure d'Hester au v. chap. ou il dit, que deux eunuches qui gardoient la porte du palais du roy, le voulurēt tuer, laquelle chose fut cogneüe de Mardocheus. O Maximilian, ces deux eunuches sont les subiectz infideles, qui portēt en leur cœur le venin, pour te nuire & à tes subiectz fideles. Garde toy bien iusques au xxxiiij. an de ton aage, car tu verras l'exaltation de ton nom : mais ce temps pendant tu verras plusieurs infortunes tant vers toy que vers tes subiectz.

Le bon pere Reynardus voyāt les aduersitez qui doiuent aduenir au Clergé & à l'Eglise, dit en son liure des tribulations: Les enfans de l'Allemagne inferieure, seront la viande

RECUEIL DES

aux oyseaux du ciel, & aux bestes de la terre. Pareillement ceux du cœur de la Vierge & du Scorpion cherrôt deffus le glaiue à deux trenchans, & ne demourera pas vn d'iceux impuny, l'habitation des Occidentaux & des Scorpionistes sera deferte. Dieu enuoyera le glaiue de Mars plein de defolation vers Picardie, Fládres, aux parties adiacētes : apres le Sceptre sera transporté aux Baioriques, & adóc beaucoup des rays de l'Eglise seront offusquez, tant en Allemaigne qu'en France : & l'aduenement dudit Roy sera sans aucuns signes. Quand il dira paix & feureté aduiēne à mes subiectz, ce sera alors qu'ilz mourront sans attente. Et pource dit Ioachim au liure des diuerfes infortunes: A la ruine de Hierico, & de l'orgueil du monde, laquelle denote qu'à la ruine de

de l'Empire, plusieurs Roys viẽdront contre les Allemans Israclites, & seront expugnez pour Maximilian, à cause qu'il esleuera en haut son escu, attendant ayde, non seulement des hommes, mais aussi de Dieu, & se releuera vollant en hault à choses ardues & difficiles.

COMMENT L'EGLISE VACILLER
*es parties d'Allemagne deffoubz les Electeurs de
 l'Empire, par la representation des sept
 Anges. Chapitre viij.*

L'ABBE Ioachim dessus Ieremie dit
 EN vengeance seront les sainctz
 Docteurs & les Princes de l'Empire,
 qui sont representez par les sept An-
 ges, qui portent des fiolles ou ampul-
 les qui distillent, desquelles l'vne est
 sur la terre, la seconde sur la mer, la
 tierce dessus les fontaines, la quarte
 soubz le Soleil, la quinte sur le siege

RECUEIL DES

de la beste, la vj. dessus le fleuve Euphrates, & la vij. en l'air. Voyla comment le peuple Chrestien sera oppresse, blessé d'angoisses & tribulatiōs diverses, & specialement les clerics & les prelatz, tellemēt qu'ilz seront desprizez de tous, & desnuez de leur dignité. Et d'autant que Rome s'est glorifiée de ses prelatures & dignitez, & qu'elle a esté en delices, de tant aura de depression & de tribulition avec humilité.

Car la terre de Brandebourg iudai-
zera, tant vers les Chrestiens que vers
les Iuifz, & le peuple adorera l'or
comme Dieu, quand Saturne entre-
ra en la maison de mars, l'an mil cinq
cens & deux.

La mer demise paganifera en brief
temps, perdāt les dignitez de l'Eglise,
& se submettra au fleuve de volupté.

La

La fontaine de Coulongne philosophera choses hautaines, & sera esleuée en doctrine.

Le Soleil de Treues faindra estre religieux, mais sera de vie lubrique. La dignité leur sera ostée par les diables & sera donnée aux gens de France, pour les oppresser en tribulations.

Le siege de la beste de Boheme tiendra heresie, & en semera en Allemagne, & la zizanie d'iceux gastera les blés des prelatz qui habitent pres du Ryn.

Le fleuve de ceux de Palatin tyrannizera en amenāt plusieurs estrangers en son pays (lesquelz helas) feront plusieurs maux.

L'air de ceux de Magonce sera ecclesiastique, & eux seulemēt par prieres appaiseront Dieu tout puissant, mais ce ne durera pas long temps,

RECUEIL DES

à cause qu'il n'y a nulle coniunção de Iesus à Belial, de Iupiter à Saturne, de l'Eglise aux tyrãs . Ce sont les sept fiolles distillâtes, lesquelles dureront plus de mille ans en iceux, & leurs sequaces , & apres sera faict nouuel ordre en l'Eglise Catholique, si Dieu ne donne bouche & prudence à ceulx qui le supplieront.

*L' A DISSENTION DE L' EGLISE
sera depuis l'an mil quatre cens nonantedeux, & seront de diuerses rebellions. Chap. ix.*

TOut ce que Hieremie a dit de la destruction de la Synagogue, on le peut dire maintenãt de l'Eglise Occidentale, & de l'empire romain, à cause de la similitude, laquelle chose est entendue avec douleur en Coulongne & Treues, & depuis ce temps sera nouuel ordre, comme il y eut au tẽps de Samuel, quãd le roy de Babylone enuoya

enuoya Ophni & Phinées prestres deuers luy, les prelatz de Dieu seront captifz du prince de Rome, & alors l'Eglise sera quasi perie, & decherrôt les grands prelatz d'icelle, & demourera agitée & en danger, comme fut Mardocheus deffouz Aman. Et pour ce est necessaire que les Astrologues cognoiffans la ruine de l'Eglise ne doiuent cesser de la reueler à chacun, afin que les Ecclesiastiques ne cessent de plourer de peur qu'ilz ne soyent submergez deffoubz la nacelle de S. Pierre. O entre vous qui dispersez les fioles de l'Empire notez ces paroles, & signez les mysteres: si ie taiois la verité ie ne serois point des Cheualiers de Iesus Christ. Il y aura en Allemagne si grande affliction entre les Iouialistes, & ceux qui porterôt tonsure Ecclesiastique, qui la cacheront

RECUEIL DES

& diront qu'ilz ne seront point prestres, & adōc sera mauuaise diuision entre les Cardinaux, & perdront les biens de l'Eglise dessoubz voz rays. Il viendra entre vous vne hayne capitale, & guerre mortelle, car le temps viendra furtiuemēt, qui incitera voz courages à la guerre, & seront veuz en l'air des choses qui porteront des calamitez aduenir. Le feu s'allumera en voz cœurs, mais hélas! quelle turbation se suscitera entre les freres electeurs, par le cruel aspect de Mars. Entre vous qui deuez estre prudens, escoutez le dict de nostre Seigneur: Tout royaume diuisé en foy sera desolé. Et pource soyez prudens, que l'Empire ne soit destruiēt, car apres qu'il sera destruiēt, est necessaire que le monde fine. Regardez l'Aigle laquelle est quasi desplumée, & comment

ment ses plumes sont perdues, tellement qu'elle ne peut voler. Vne coulombe ne peut voler avec vne ælle. La nacelle de saint Pierre ne peut estre menée droictemēt avec vn airon, entre tant de tempestes qui sont en ce monde. La coulombe qui n'a qu'une ælle est mangée des oyseaux, & des bestes de la terre: & nul mōstre ne vit longuement à cause qu'il est contre nature. Tous les Princes qui veulēt destruire l'Empire, quant à ce sont les messagers de l'Antechrist. Et pourtāt lesdictz sept Princes & leurs subiectz se doiuent dōner garde que par leurs pechez, par le iugement de Dieu, l'Empire ne leur soit osté: car il est necessaire qu'il aduiēne des scandales, toutesfois celuy par qui ilz viennent est maudict. Et vrayement est necessaire que cest ardeur de domi-

RECUEIL DES

ner, & d'avarice aueuglisse l'esprit des hōmes, tellement qu'ilz ne veulēt point faire ce qu'ilz oyent ne la verité qu'ilz cognoissent. Et pource ilz ont des yeux & ne voyēt goutte, ignorant que leurs principautez sont empoisonnées de venin incurable. Et non seulement ceux de Boheme & de Pologne, mais aussi ceux de Dace, & les Anglois s'esioüissent avec nations barbares, à cause que Saturne le pestifereux opprime Iupiter le gracieux, en sa tresmauuaise & dangereuse eleuation.

EXHORTATION POUR L'VNITE DE
l'Eglise, & pour la manutention de l'Empire Romain. Chapitre x.

A La mienne volūté que les Princes ausquelz est commise l'election du royaume superieur fussent prudēs, & qu'ilz entēdissent & pourueussent

ueussent aux choses dernieres . A la mienne volunté qu'ilz entendissent iustice & qu'ilz la fissent, & qu'au roy Maximilian lequel ilz ont eleu en la cité de Francfort vnanimement luy fissent l'honneur qui luy est deu. A la mienne volunté que ceux qui ont la puissance, & sont exaltez en hōneur qu'ilz entédissent leur estat, & qu'ilz ne fussent point ingratz . A la mienne volunté que ces sept ausquelz appartient le droict & la puissance d'elire l'Empereur, pourueussent aux dāgers qui viendront apres que l'Empire Romain sera destruict: car Dieu l'a dōné dessus la terre comme vne des choses dernieres. Et quād il sera osté il aduiendra si grande tribulatiō dessus la terre que chacū s'en esmeruillera. Et comme il est dit en sainct Mathieu & sainct Marc . Si iceux iours

RECUEIL DES

ne fussent abregéz toute chair n'eust esté sauuée. Les choses dessus nomées denotent la cõuersation seculiere de ceux qui sõt de deça le Ryn: car ils representēt la dignité de samuel: lequel cõbiẽ qu'il fut Prestre, il auoit l'office de Iuge. Il esleut vn Roy en Israël, & apres le cõsacra Roy. Les prelatz d'Allemagne ne sõt point les vicaires de celuy qui s'ẽfoüit, delaisant son suaire, mais bien de celuy qui dist, mõseigneur ie suis prest d'aller avec toy, & en la mort & en la vie, & tira son glaiue au temps d'aduersité, & en couppa l'oreille du seruiteur du prince de la loy, demonstrāt qu'il luy eust volontiers osté la teste . Et combien qu'à la voix de la chambriere il denia Iesus Christ quelque fois, ce neantmoins il reuiet en la foy plus fort que deuant, il n'y a rien de mal ordõné aux
œuvres

œuvres du Createur , car enuers luy tout ainsi est le temps de guerre comme le temps de paix: les hōmes sont ordonnez ainsi de Dieu à la paix & à la guerre. Je parle à vous qui estes princes des Allemaignes , afin que vous aydez aux eleuz empereurs, lesquels sont les aduocatz de l'Eglise, qui conduict l'ælle fenestre de la colombe & de la nacelle de sainct Pierre. Et si vous la sousteniez cōme voz predecesseurs ont faiet , sans doubte toute puisſace feroit petite: Car alors non seulement Italie, Lôbardie, Bohême, & Grece auroyēt peur, mais aussi les Espaignes & les Barbares auroyēt grād' crainte: à la venue des fleurs les oyseaux chantent, & quād ilz oyent chanter l'Aigle, ilz se taisent. Nous croyōs n'auoir dit chose qui ne soit vraye, demādāt par humilité pardō.

RECUEIL DES
QV'EN ALLEMAGNE S'ELEVE
ra un nouveau Prince, qui prendra par armes plu-
sieurs terres d'Allemagne. Chap. xi.

NOSTRE mere l'Eglise pleure: la vierge qui demeure dessus le ryn crie: Vous pasteurs & recteurs dudit lieu pleurez: & aussi Lorrains: Argentins: Suysses: François: Orientaux: deuestez vous de la robe de ioye en la terre de la vierge: & vestez vous de la haire & de cédre. O thuringe: Hesse: vuersteruualt, vuedranic: fais pleurs, disant. J'ay nourry mō peuple, & l'ay exaulce: mais apres m'a delaiissé & m'aguetté comme fait le Lyon les autres bestes: & pour ce mes ioyes sont conuerties en pleurs. O gent miserable: delaiissée iusques à ceste heure en la malice du monde: pour ce que le Basilic nouveau qui est venu dessus toy n'est point gouverneur, mais desolateur

teur des fideles. Il n'est point consolateur, mais ravisseur des fideles. Il n'est point protecteur, mais oppresseur des orphelins, & des femmes veuves par toutes les Allemagnes. Vn nouveau destruiseur & nouvelle macule est venue aux Princes d'Allemagne: tellement que le commun peuple dict: La racine de peché est venue des Scorpionnistes, pire que celle d'Anthiochus, qui emporta les vases du temple de Dieu: pire que Ioab, remply de toute deceptiõ: pire que Achab, lequel des vignes de dieu omnipotët, en fist vn iardin à choux: pire que Apollonius, lequel desroba les biens du temple de Dieu. Pire que Iudas, qui en faignant la paix deceut Iesus Christ. Pire que Holofernes, qui auoit soif du sang des humains. Pire que Sanfon, lequel fut a-

E

RECUEIL DES

ueuglé par la malice des femmes, sans
iamais auoir honte. Il fera dilapida-
teur du patrimoine de Iesus Christ:
& fera amateur des femmes impudi-
ques. Il fera le dragon venimeux, qui
persecutera l'espouse de Iesus Christ
en plusieurs dioceses, lequel trouble-
ra la terre. Il ne dormira point, mais
continuellemēt machinera quelque
mal, & tiendra conseil avec les mau-
uais. Domitien & Diocletien estoÿēt
tres-cruelz. Dacien & Maximilian e-
stoyent persecuteurs enormes. Affri-
can & Iulian l'apostat estoÿent dese-
sperez. Neron & Adrian estoÿent les
plus inhumains qui furent oncques:
Mais iamais nul d'iceux ne fist des
choses tāt cruellès que celuy fera au
peuple d'Allemaigne: il ne craindra
point Dieu: il ne pardonnera point
aux iustes: il ne craindra point d'of-
fenser

fenser le chef de l'Eglise: il ne craindra point d'exterminer les lieux sainctz, & n'aura point hôte de commettre sacrilege. Helas qu'il fera des choses contre l'ordonnance Catholique: tant qu'il n'y a langue qui la sceust racompter. Telles gens qui espandent le sang n'acheueront point la moitié de leurs iours. Oracine de peché, tu seras puny de Dieu, & alors il t'auiedra vn signe, c'est que l'or de ta sapience sera obscur, & deuiẽdras freneticque, & sera bruit que tu seras insensé, ta bonne couleur sera changée, & seras appellé par tout le monde hereticque, tu ne seras pas comme ton pere Duc entier, mais seras plein de toute fraude. Et pour ce tu te dois taire sans semer zizanie entre les Princes d'Allemaigne, le Lyon & l'Empire; Car tu dois sçauoir que ton aa-

RECUEIL DES
ge n'est point perpetuel.

*APRES LA PERSECUTION DES
iustes viendra paix, comme en la passion de Iesus
Christ,, Pylate & Herodes furent amys.*

Chapitre xij.

IL est necessaire que les hommes vi-
uēt selon l'esprit, afin que l'orgueil
de la chair soit osté, à cause que tou-
te chair viuant charnellement cor-
rompt par sa malice toute la terre, il
est requis qu'il aduienne dessus l'Em-
pire vn deluge, lequel gastera ce qui
sera sur terre ou il sera, & apres les
hommes seront destruiets avec la ter-
re. Et au signe de tel deluge afin qu'il
soit retenu & qu'il ne gaste l'Alemai-
gne inferieure, apparoiſtra en l'air
vn arc es parties de Magonce, lequel
mōstrera la cōfederatiō entre dieu &
les hommes. Il y aura vn Capitaine
prudent & de bonnes meurs, auquel
seront

feront enuoyez dix mille Anges en vn chariot, & ne tardera point de defendre ses subiectz, combien qu'il soit dict, Baruch tertio. Il y a eu des Geans, qui estoient de grande stature, & sçauoyent les faictz de la guerre : toutesfois Dieu ne les a point esleuz. Et pour ce entre vous Princes hault esleuez, regardez vostre vocation: Car comme dict sainct Paul au premier aux Corinthes, Dieu n'a point esleu les sages mondains & les puissans, mais ceux qui sembloient estre folz au monde, afin qu'il confondist les sages. Il ne faut point donques penser appaifer Dieu par armes, mais par prieres. Et adonc la loy d'Israel sera en valeur vers le fleuve du Ryn. Car Mars de son mauuais aspect regarde Iupiter opprimé, pourtant metz ces choses en ton cœur.

RECUEIL DES

Et pource que Pilate & Herodes furent faictz amis par Iesus l'innocent, regarde quelle sera la paix de Iesus à Belial, de l'Eglise au Diable & à ses ministres, du Loup avec l'Aigneau certes douloureuse. Le chariot n'est point bien mené de bœufz inegaux. L'election diuine n'essist point ceux qui ayment la guerre ou espendent le sang. Abacuc au ij. chapitre dit: Malediction sur ceux qui edifiēt en sang en Sion. Iesus Christ n'a point eleu ceux de son sang, comme il appert de la mere des filz de Zebedée. Dathan & Abiron à l'encontre desquelz vint l'ire de Dieu, & furent engloutiz en la terre, par leur orgueil & violence, pour ce qu'ilz vouloiēt vsurper l'honneur de grād Prestre, cōme il est escript Num. xvj. Pourtant, prince magnifique si tu veulx preuenir

nir ton frere en domination, il fault que tu le preuienne par seruice & amitié. Et en leuant les mains à Dieu tu auras victoire, & pareillement la loy d'Israël. Laisse dormir la guerre, autrement tu esueilleras Mars le cruel à l'encontre de l'Aigle hautaine. Les Iouialistes seront subiectz, & les Mercurialistes s'esuoyront.

IL DECLARE COMMENT LA DIGNITÉ Imperiale a esté donnée aux Allemans, figurée par le baston de saint Pierre, qui fut apporté à Treues. Chapitre xiiij.

A Pres la mort de saint Materne, qui fut en Alsatie, en vne ville nommée Elegia, vindrent saint Euchaire & saint Valerian à Rome à saint Pierre, disans : Nous te supplions que tu nous dones vn pasteur au lieu de Materne, alors dist S. Pierre : Il ne fault point ainsi faire, mais afin que la gloire de Dieu soit mani-

RECUEIL DES

festée au peuple, prenez mon baston & le mettez dessus luy, disant : Sainct Pierre l'Apostre te commande qu'au nom de Iesus christ tu te leues, laquelle chose fut faicte. Et ledict Materne qui auoit esté xl. iours au sepulchre fut resuscité, & vesquit depuis xl. ans. Et quád il baptisoit le peuple de Treues, il vint si grande quantité de peuple qu'il les fallut baptiser en vne petite riuere qui passe parmy la ville, laquelle pour lors on nómoit Belga. Et quand le sainct chresme fut failly ladicte riuere par miracle fut pleine d'huile, & est appellée pour ceste cause au temps present Oleuia, quasi olei via. Apres que S. Materne fut resuscité, le baston dessus nómé fut diuisé en deux parties, desquelles l'une est à present à Treues avec le corps dudit sainct. La partie superieure dudit

dudict baston est à Coulongne, & est gardée en grande reuerence, & est la cause pourquoy le Pape ne porte point de baston, à cause que celuy dessus nommé, par esprit de prophetie a esté apporté es Allemaignes: pourtant notez ces parolles: Qui fera celuy qui separera ceux de Treues de ceux de Coulongne, qui sont freres? Quelle chose est de plus grande dignité que le baston de saint Pierre, par lequel il amenoit grande multitude de gens à la foy de Iesus Christ? Nous n'entendons par saint Pierre sinon la dignité Papale, & par son baston l'authorité pastorale, par laquelle la brebis errante est reduicte à son troupeau. Par iceluy baston le pasteur est soustenu quand l'Empereur honore & exalte le sou-

RECUEIL DES

uerain prelat. Il fut enuoyé en Gaule Belgique par sainct Pierre Euesque d'Antioche, comme est dit dessus: & ce signifioit l'electiõ de l'empire qui deuoit estre transferé aux Allemans, laquelle chose fut faiçte depuis par le pape, & Charles le magnifique.

Nous auons dit que ledit bastõ fut diuisé en deux parties, & que la partie superieure fut enuoyée à Coulongne. Et pour ce l'Euesque de Coulongne n'a point seulement puissance d'elire l'Empereur, mais apres son election, il le doit consacrer, faisant l'office du Pape qui doit consacrer l'elueu empereur. Pour ce, non sans cause a esté institué l'Empire Romain, mais a esté prefiguré par plusieurs figures. Mais pourtant ne fault point que vous en glorifiez. Et d'autat que vous estes entre vous discordans, de
tanr

tant estes moins dignes dudit honneur. Il est dict' Esaie xxij. Escoutez ce dit le Seigneur des batailles, Allez deuers celuy qui habite au tabernacle à l'entrée du temple, & luy dites: qui es tu, que fais tu icy ? Pour ce que tu t'as préparé vn sepulchre, tu astaillé la memoire de toy en hault. Fais que tu sois seigneur de ton tabernacle : Dieu te fera porter en diuers lieux, comme on transporte le cocq de lieu en au. Helas, s'il n'y a point de charité entre vous freres, comment en y aura il entre les estranges ? Voycy le temps que plusieurs maux viendront en diuers pays.

RECVEIL DES
COMMENT LES TYRANS GA-
steront l'Euesché de Treues & de Coulongne,
& vacquera le siege Apostolicque,
deffoubz le signe du Loup & de
l'Ours. Chap. xiiij.

ENtre vous gens discretz qui estes
deffoubz le baston de sainct Pier
re, escoutez. Reynardus le bon pere
veit par vision les tribulations adue-
nir à l'Eglise: & dict en ceste manie-
re. Apres ce temps viendront deux
freres, qui se debaistront, & tiendront
vn baston à chacune de leurs mains.
Et l'vn d'iceux portera la croix rou-
ge en bas, & l'autre portera la croix
noire en hault, & tous les clerics fe-
ront conturbez: le Loup & l'ours vi-
endront raurir le baston, & alors les
deux freres seront tristes, craignans
que leur temps soit venu. Il est don-
né à entendre, que par la Duché de
Gueldres

Gueldres suruiẽdrõt des mau|x nou
ueaux:& que le Lys fera mis dedans,
& l'Ours vexera l'eglise de Coulon-
gne. Apres montera le Loup aduerfai
re de l'eglise à Treues , pour raur la
substãce des habitãs. Ceste chose est
figurée en Genese xli. ou il dict . Il y
auoit sept Vaches maigres & ordes,
qui sortoyët du fleuue, & mágeoyët
au pres de la riue au lieu fort fecond
& abondant, & ont esté deuorées . Il
est donné à entendre, comment sept
meschans hommes s'efforceront de
gaster la terre de Treues. Ilz sont figu
rez ors pour ce qu'ilz maculeront les
clercs, & ceux qui tiennent conuer-
sation honneste, ilz sont maigres. Et
pour ce ilz mangeront la gresse des
religieux & des prelatz, & mágeront
au pres du fleuue continuellement.
O Moselle ville oppulente appaise

RECUEIL DES

ton Createur: Et apres plusieurs tribulations. O croix rouge comme fidele. Israël, tu chasseras ces sept meschās comme il est figuré au vij. chapitre de Deuteronomie, là ou il est ainsi dit. Ceux d'Israel ont chassé de la terre sainte, sept nations, c'est asçavoir Geiseos, Amorrees, Eueos, Etheos, Chananeos, Iebuzeos, & Phereseos. Apres saint lieu: croix sainte: & baston de saint Euchaire vous demourerez en paix.

Il est donné à entendre qu'apres les haines & batailles capitalles cōmencées entre ceux de Treues & de Coulongne: viendront les Ours sauuages & les Loups rauissans: & alors la secularité sera troublée deffouz vn qui procedera du Lys. Et ceste tribulation sera semblable à celle qui fut au temps des Machabees, en laquelle la
dignité

dignité Sacerdotale fut occupée par Iccom, Menelaus, Lifiniacus: & Archiminus. Et apres ces tribulations finies, Iesus Christ vint en ce monde: & alors Octauien receut du peuple de Rome la Monarchie du monde. Et tout ainsi que la dignité du grãd Prestre vaca, tout ainsi vaquera le siege Apoctolique de Rome. Et ie croy qu'il vacquera l'espace d'un an & demy, comme il est dict au cinquiesme & sixiesme chapitre du liure de Cyrillus. Et en ce temps lá viendra grande vexation, & se leuera nouuel ordre, pour la restauration de l'Eglise, & deuant la reformation se trouueront plusieurs faux prelatz en Italie, & la Romanie.

La sçauante Sybille Erithrée, qui fut prophete, sentant l'aduenement du petit aigle apres sa mere, & des

RECVEIL DES

faulx prelatz qui viendront, dict. Apres ces choses viendra l'aigle, laquelle nourrira le feu au giron de l'espouse de Christ: & viendront trois adulteres & vn legitime, lequel deuorera les autres. Et viendront troys noms detestables, blaspheme, chant impudique, & abomination, qui monteront deuant l'excellent Roy, & pour la fin viendra la mort.

IL Y AVRA TROIS FAULX PRE-
latz, qui seront ostez de leurs offices, à cause
de leurs predications erronnées.

Chapitre xv.

LA Sibylle de Crete dict de l'aigle, du lys, & des faulx prelatz. Il y aura quelque vn qui espiera, & voudra faire pauvre l'Espouse de l'Aigneau. Et viendront troys adulteres & vn legitime, lequel sera de chauld debile, neantmoins il deuorera les autres.

Apres

Après chantera le Cocq, & sera faicte bonne restauratiõ. Et le legitime, c'est le Pape, fulminera sa sentence dessus trois prelatz d'Allemaigne, cõme inobediens à l'espouse de l'Aigneau, & aura discorde entre ces trois. L'vn sera eleu canoniquement par le Pape, & sera debile de voix, d'autant qu'il ne pourra resister aux adulteres : Il destruira les autres, afin qu'il expulse les trois noms de blaspheme, & ceux qui prescheront heresies, & qui inciteront les gens laiz à l'encontre des gens d'Eglise. Le chant d'iceux sera plein d'abomination, à cause qu'il sera plein de symonie, tant qu'vn pied & six doigts seront cõptez. La fin sera moult pleine de diffortune. Pour ce dit le Prophete : Je destruiray le nom des Idoles de la terre. Le Coq chantera, ce sera le vray Pape, & sera

RECUEIL DES

faiete bõne restauration, à cause que les erreurs serõt extirpez . Et dessouz cest Aigle finira la tribulation des Clercs, & apres sera destruiet l'Empire. Pourtant vous religieux de Treues, & vous Philosophes de Coulongne considerez bien ceste chose, afin que les loups rauissans n'entrent dedans vostre estable, & que les autres ne prennent voz couronnes. En vostre temps aduiendront des choses nouvelles, qui ne furent iamais veües au temps passé. Dieu par sa misericorde vueille destourner ces maulx de voz Eglises.

*COMMENT PLUSIEURS RELIGIONS
serent remises, sans auoir la ferueur de l'amour diuin
comme le temps passé. Chapitre xvi.*

LE bon Abbé Ioachim dict, qu'en
brief temps aduiendra que les re-
ligieux

ligieux & gens d'eglise auront à souffrir & feront diuerfes difsimulations & hypocrifies. Leur charité, chaſteté, iuſtice, pieté, & ſobrieté ſeront diminuées, à cauſe de Mars Seigneur de la grande coniunſtion qui ſera en ſon domicile. Pourtant ſe leueront entre iceux haynes, diffentions, & enuies. Ilz ſeront enclins à pluſieurs pechez, comme ſtupre, adultere, ſimulans viure chaſtement. Il eſt eſcript au liure des lamētations de Ieremie commēt la vie contemplatiue a eſté en vertu au temps d'Elie & Elifée, & des filz des Prophetes, mais le torrent de Carith eſt deſeiché, à cauſe que la grace ſpirituelle luy eſt faillie, par l'erreur de la mechante Ieſabel. Ceſte vie depuis a eſté en valeur en Grece au tēps de S. Paul premier ermite, & de ſainct Antoine & autres ſainctz ermites. Et

RECUEIL DES

entre iceux ont esté trouuez des heretiques & faulx religieux, tant hommes que femmes, lesquelz se sont mis loing de Dieu, & a cessé leur vie solitaire. Entre vous Euangeliques qui vivez solitairement, escoutez: Pour ce que le scapulaire a esté rompu dessus la table, la vie Monastique a esté diuisée, & ne se tiét plus aux ieufnes, mais vit en gourmandise & delices: & pour ce est expulsée vostre religion spirituelle, & sera donnée aux Guelphes & Iubelins. En-apres dit Isaie: Les pauures cherchent de l'eau, & n'en trouuent point, & leur langue est toute seiche de soif, pour ce donneray des fleuues dessus les montagnes, & des fontaines au milieu des champs. Par ce est donné à entendre, que les Abbayes, Monasteres & Prelatures seront subiectes aux Seigneurs

gneurs temporelz, qui moissonnerōt ou n'auront point semé, & amasserōt ou ilz n'auront point espart: puis dit: Les princes seculiers ont osté de lá (c'est asçavoir des Monasteres) mon or & ma doctrine en ire, & en ont faiçt lieu à Baal. L'or est la saincte escripture, laquelle est ostée par le Decret & autres liures. Et les religieux s'occupent aux Decretales, & s'emplissent de doctrine pleine d'avarice. Par ainsi est necessaire que la langue d'iceux soit seiche par la soif d'avarice, quand elle n'est point arrosée de l'eau de la doctrine Euangelique. Ceste soif vehemente est cupidité des biens mondains, de laquelle est dict à la Samaritaine: Qui boira de ceste eau, il aura encore soif. Les montaignes sont les Prelatz & Abbez qui eleuent leurs familles mondaines. Les

RECUEIL DES

petites mōtaignes font les Religieux, Prieurs & Chanoines. Et isles, chāps font les simples fideles. Vous tous qui auez soif venez boire à la fontaine. Les monasteres seront de tous costez pillés. Les seculiers font les cheuaux fors de diuerses couleurs, appareillez à courir par les monasteres & leurs terres, figurés par Moyse et Elie, desquelz l'vn fist perir Pharaon en la Mer rouge : & l'autre fist mourir Acab, Iesabel, & les prestres de Baal par zele diuin. Par telle chose est perie l'ordre des Templiers. Pareillement ceux de l'ordre de saint Benoist, de saint Anthoine, des Chartreux, des Bernardins, de Premonstré, & plusieurs autres religions perdront beaucoup de biens, à cause de l'oppression de Iupiter le begnin. Ohōmes Euan-geliques ! priez Dieu tout puissant, qu'il

qu'il vucille estendre dessus vous son manteau de grace, car vous estes pres d'obtenir indulgence de luy.

*IL DECLARE LA NAISSANCE
des François, & leur estat futur dessoubz les
proprietéz du Cocq. Chap. xvij.*

I'Ay trouué aux escriptures des anciens, que Gallia est dictée de ΓΑΛΛΑ, qui signifie en Latin lac, pour ce qu'ilz sont plus blancs que les Espaignolz, & plusieurs autres nations. Pareillement on peult licitement dire Gallia à Gallo, à cause des proprietéz du Cocq qui sont triples.

Les premieres sont mauuaises: car il est superbe, criât, luxurieux, inconstant, prest à la guerre & à la paix. Ceux qui ont ces proprietéz sont à blasmer. Les bonnes proprietéz du Cocq sont, qu'il est beau, & plus beau

RECUEIL DES

quand il est orné de belles plumes, il est ioyeux, hardy, amoureux & liberal. Ceux qui ont ces conditions sont de la noble lignée des François. Les tresbonnes proprieté du Coq sont, qu'il est prudent, veillant, chantant, bien conduisant ses subiectz, fecôd, ostant le grain hors de la paille, & le departissant à ses poulles. Le Coq est le degré spirituel en l'Eglise.

Il est à noter depuis le roy Priam iusques à Pharamond, & depuis Pharamond iusques à Hilderic, les Roys & Princes de France estoient payens & gentilz. Hilderic auoit plusieurs femmes & concubines, & vsoit d'icelles à son plaisir. Il fut pour vn téps expulsé à Thuringe: & fut confederé avec le roy Basamul, auquel lieu engendra le roy Clouis, lequel fut depuis baptisé par saint Remy. Et depuis

puis ce temps tous les Roys de France ont esté Chrestiens:mesmes Charlemagne Empereur, lequel fut filz de Pepin,et expulsa des Espagnes les infideles, reduysant tout le pays à la foy Chrestienne,& fist beaucoup de biens à l'Eglise & aux gens d'Eglise, il fut de loüables mœurs. Quand il mourut Turpin l'Archeuesque vit en songe que les espritz malins alloient à Treues ou il estoit decedé: alors les cõiura de retourner vers luy, pour en dire des nouvelles, ce qu'ilz firent, & que pour les biēsfaitz qu'il auoit fait aux eglises il estoit sauué. Il est dit au liure des Roys de Frãce, qu'il sera vn Empereur de la lignée de Charles de Frãce,& aura nõ P.lequel sera Prince & Monarque de toute Europe. Il reformera l'Eglise & les Clercs:& apres luy nul n'imperera plus. Il est manifeste que tout ainsi que l'Eglise Ro-

RECUEIL DES

maine est l'Eglise de Dieu, que l'Empire est le royaume de Dieu, duquel est parlé quand Iesus Christ dist à ses disciples: A vous est donné de cognoistre le mystere du royaume de Dieu. Ceux qui sont dehors, le cognoissent par paraboles, afin que chacun l'entende. Si les œeuves mystiques qui se font en ce Royaume de Dieu estoient cogneües publiquement, non pas seulement les charnelz & les orgueilleux ne l'entendroyent, mais ilz peruertiroient la verité en mocquerie.

LE PRESAGE DE SAINCTE

*Brigide, dessus la similitude du Lys, croissant
au champ occidental. Chap. xvij.*

SAINCTE Brigide de Sueue, dict
Sauf liure de ses reuelations: Il sortira vn Lys du champ occidental, lequel

quel se multipliera en mille milliers, & recouvrera en la terre de la vierge les choses perdues. De son odeur il chassera les bestes venimeuses, & sera plus fort que le Cedre. O Jeune qui demeure en la terre du lys, considere que quand vn pot neuf est emply au commencement de quelque liqueur, il retient long temps l'odeur d'icelle. Escriptez dedans la table de ton cœur (laquelle iusques à ceste heure a esté blanche) ce qui conuient aux Roys, c'est clemence. Corrige ta conscience, & considere si tu es bon ou mauuais. Il est dict du Seigneur du Lys. La grande Aigle sera accompagnée avec la fleur de Lys, & se mouuera d'Occident en Orient à l'encontre du Lyon. Le Lyon n'aura point d'aide, mais sera delaisé du lys. Et aura bon odeur en Allemaigne: & son

RECUEIL DES
honneur tres grand vollera deffus
l'Aigle.

*AVCVNES CHOSES HEVREVL-
ses aduiendront au Royaume de France, &
l'exposition misticque des troys lys est
declairée. Chap. xix.*

IL est escrit des louenges de la fleur
de Lys. O France terre noble, qui
porte telle fleur. Laquelle fera verdoyer
par ton odeur vn arbre, lequel des
long temps est deseché. Cestuy Lys
enflâmera d'amour & de charité l'ai-
gle orientale, qui vollera en hault a-
uec ses deux æsles, & fera luyfante
aux montaignes de Chrestienté. C'est
le Lys de bonne odeur. Les Abeilles
des infideles dedans l'Eglise succe-
ront le miel d'affection & de desir: les
rebelles succeront le venin de lamen-
tation au champ Virginal, & le Lys
demeu -

demeurera entier avec ses petites couronnes. Les filles d'Allemagne qui sont foubz le Scorpion aymeront le Lys: & desireront de s'en parer aux iours des festes, & quand elles ne l'auront plus elles feront tristes & ploeront. O Jeune qui resides en la terre du Lys, regarde qu'on ne dise, malheur sur la terre, en laquelle le Roy est enfant. Comme ainsi soit que tu fois celuy qui porte le cháp de couleur de saphyrs, lequel est semé de troys fleurs de Lys, ces choses que te pourront il mōstrer? Le premier Lys monstre que tu es successeur & ministre de l'autel du vicaire de Iesus Christ, tenant la main fenestre aux epistres de toutes les autres nations. Le second Lys dict, que tu es la coulomme de Chrestieté en la partie occidentale, procedant de la pierre de

RECUEIL DES

marbre : laquelle a esté couppee en la montaigne sans main d'homme.

Le tiers Lys denote que es l'auocat de l'espouse de Iesus Christ, portant en la teste couronne de bon odeur. Et pour ce tu es appellé treschrestien entre tous les autres. O blancheur du Lys luyfant en l'Eglise, lequel a esté planté de l'ange. Saint Remy l'Apostre de France l'a consacré. Saint Denys l'a demonstté. Saint Loys l'a exalté. France l'a nourry, Gaule l'a honoré. Considere en toy mesmes, si tu es procedé du bon François, & dispose bien de ton regime.

LA GRANDE PROSPERITE DE

*France l'esmouera à faire grief à l'Eglise &
à ses subieetz. Chapitre xx.*

DIEU est puissant de susciter les François à l'encontre de l'eglise,
afin

afin qu'elle soit humiliée . Helas ce-
luy qui est remply de peché & d'in-
famic, ayant encore le glaiue de guer-
re & de tyrannie, est tousiours elleué
en hõneur, & ce selon l'estat d'vn cha-
cũ. Helas la felicité des heretiques de
Boheme est exaltée, & la spiritualité
est suffoquée. Celuy qui est orné des
armes de vertu sera oppressé à cause
de la passion de Iuppiter le salutaire,
aura à souffrir, & perira de mort ac-
ceierée. Comme au temps de Charles
dernier vn Comte d'Armignac, &
Loys Dauphin, firent en la haute Al-
lemaigne beaucoup de choses iniu-
stes. Ainsi dessoubz le nouveau inno-
cent, ieune enfant, plusieurs maux
commenceront à regner, tant en l'E-
glise qu'en la secularité . Ses subiectz
n'auront point de vergongne de de-
struire les lieux sainctz . O toy ieune

RECUEIL DES

enfant, considere si tu es de bonnes mœurs ou nō, & ces choses t'informent à vertu, afin que tu saches si tu as prins ta naissance des nobles. Pourquoy n'esleues tu point les coulōnes de tō royaume: Et ne reueilles tu ton peuple de tes æsles, en luy donnant des grains de bonne renommée & d'honneur, eleuant la dignité Sacerdotale? ton Royaume & l'Vniuersité de Paris? Ces trois coulōnes sont cōme les trois vertus, C'est asçauoir la Vitale, Naturelle & Animale. Le Lis noble est viuifié, augmenté & gouuerné, & comme de fondement, paroy, & toict, ton Royaume est cōme materiellement parfait. Et saches cecy, qu'en tes iours viendront des temps dangereux, lesquels ne furent iamais parauant pires que deffoubz la Pucelle, car tes propres subiectz s'esleuerōt à l'en-

à l'encontre de toy, afin qu'ilz puissent dissiper les feuilles du Lys : & le Lys seichera au champ de la Vierge, & ainsi celuy qui sera desloyal sera destruiet. Le prince des Apostres l'a montré quand il a dit : Craignez Dieu, honorez vostre Roy supérieur. Plusieurs autres choses sont escriptes au liure dessus nommé, lesquelles ne sont point de presente speculation.

COMMENT LE ROY DE BOHEME
*suscitera guerre & erreur contre l'Eglise, & en la
 fin perira mechamment. Chap. xxi.*

IL est à imaginer que noz pechez & demerites, avec la conuoytise immoderée des biens mondains, laquelle ne se contéte point des limites de raison, mais occupe les biens d'autrui, tant en l'estat regulier que seculier, seront cause de plusieurs calamitez. Il regne tant de pechez que l'es-

RECVEIL DES

pouſe de Ieſus Chriſt ne peult eſtre veüe depuis la teſte iuſques aux piedz . Les Aſtres & les Eclipſes ne nous tourmentent point , mais noz pechez ſans nōbre , & induiſent ſur nous des pleurs , triſteſſes , mort , maladies , famines & guerres . Helas Beelphegor prince des heretiques de Boheme , baſilic venimeux , qui te diſ Roy ! tu es l'ennemy cruel de l'Egliſe Romaine & de la foy Chreſtienne . Ceſte eclipſe de l'Egliſe de Ieſus Chriſt amenera pluſieurs triſteſſes & choſes nouuelles , & fera mourir pluſieurs nobles gens . O ieune filz qui es mené à la guerre par les tiens , comment oſes tu viure en l'eſtat auquel tu n'oſerois mourir ? ne ſçais tu point que tu ſeras enſeuely de la ſepulture de l'aſne ? Tes predeceſſeurs furent catholiques , & de bonne renommée .

Pourquoy

Pourquoy te glorifies tu en tes Docteurs excommuniez ? tu conioinctz le sable avec la pierre, et l'argille avec la cendre : & pour ce tu ne sçauois bien edifier ton mur . Tu demandes conseil aux peaux mortes : ce sont les heretiques qui ne sçauent qu'ilz disent . Ensuys S. Paul, qui n'est point enuoyé à la loy, mais à Ananias : & si tu ne le veux croire, va à Herodes, lequel demandoit secretemēt ou Iesus Christ naistroit . Regarde que tu ne sois deceu, en voulant cueillir l'or, & tu ne trouueras que du cuyure en ta main . Tu domineras, mais le temps de ton regne sera accompli de brief. Quand tu estois ieune, tu as faict ainsi que tu as esté conduict par tes parens : mais maintenāt puis que raison est en toy, oste de toy les mœurs infantiles . Quelle question as tu avec

RECUEIL DES

les loups & les bestes cornues? O venin incurable, ta pompe reale mesprise l'Eglise, & tu blasphemés le saint Esprit: & tourmentes ton ame & tes subiectz, d'oit ie suis triste & plus que triste. O homme de douleur! ceux qui te verront pleureront dessus toy, & diront: Voyla celuy qui est puissant en vanité & folie, s'ainsi est que Chan fut maudict pour ce qu'il ne couurit point les genitoires de son pere, tu es digne de plus grande malediction, qui fais de si grandes iniures: aumoins cognois les influences des Estoilles, & que les rays du Soleil descendent dessus l'or & dessus l'ordure. Pour vray tu feras vilainement assubiecty. Pour ce corrige ta vie, & fuys t'oit idole exc'omunié & deiecté de son pays comme vn serpēt enuenimé, car sans faulte il empoysonnera ton ame, &

certain-

certainement apres toy viendra quel qu'vn qui reduira l'Eglise de Prages à la saincte Eglise catholique, & sera faiçte nouvelle reformation au royaume de Boheme.

LES ROYS DE HONGRIE FERONT plusieurs choses pour maintenir l'Eglise, & se porteront noblement quant aux faictz de la guerre. Chapitre .xxij.

HElas que l'auarice des Princes & des gouuerneurs a seduiçt beaucoup de peuple, & faiçt mourir plusieurs gens! Celuy qui a despèdu toute sa substance pour la foy est en memoire excellente, laquelle par le venin d'enuie & d'auarice, est perdue. L'vnité de la pierre angulaire est coupée. Le ferme Roy de Hongrie sera disposé moyennement: mais il souffrira retrogradation. Pourtant, ô Mathias, si ie ditz quelque chose en ta

RECUEIL DES

louange, ce sera moins que ie ne dois dire. Tes œuures sont congneües excellentes plus que ie ne sçaroye dire, mais ta louange sera mieux accóplie quelque iour. L'empire de Constantinople te tiendra en honneur. L'eglise te prisera, à cause que tu es le vray escu de defense de la foy à l'encontre du Turc. Tu es resplendissant en honneur: & es magnifique en conseil, lequel est gouuerné par vertu: & viuras long temps sans estre surmonté. Le reste de tes affaires sera gouuerné par fortune. Tu as subiugué plusieurs gens, c'est asçauoir les Viennoys inhumains, les Australles orgueilleux. Tu as tiré la plume du Pan, & as prins des Citez & des villes. Tu as esté permissiument le glaiue de Dieu. Tu as vaincu seulement ceux qui le deuoient estre: il n'est si grand'puissan-

puissance qui ne soit superable. Tu sçays vaincre ton courage, refrener ton ire, temperer ta victoire, aymer iustice, garder foy, suyuir paix, nourrir les iustes, craindre Dieu, lequel est le principal, & hōnorer l'Empereur. Tu as voulu garder ses commandemens. Il n'est rien si manifeste que tes œuures : il n'est rien qui ne se diminue avec le temps. Pour ce dict le sage Salomon. Toutes choses leuées se reconcent & enuieillissent. Et comme dist la Royne de Saba à Salomon: Bien eureux est le peuple qui est desoubz toy, & tes seruiteurs qui sont à l'enuiron de toy. Tu surmonteras quelque autre nation ou tu acquerras grande louange. Et apres toy viendra vn glaiue, lequel longuement persecutera les chiens infideles. Ces choses sont comprinses par le Sei-

RECUEIL DES

gneur de ma terre . La gent Sagittaire
regnera long temps dessus tes Chre-
stiens:& le Royaume de Hongrie se-
ra reserué à vn autre qui sera clement
& misericordieux enuers l'Eglise . Il
reformera l'eglise de Prage,& le tem-
ple de saincte Sophie de Constanti-
nople . Il sera en honneur entre les
Chrestiens , mais il ne sera point du
sang de Mathias,mais sortira des ro-
chers d'Allemaigne,& sera Roy tres-
pur & tres-entier.

*PAR L'ECLIPSE DESSVS NOMMEE
est parlé des infortunes & prosperitez du Comte Pa-
latin,tant de par France que de par l'Empire.
Chapitre xxiiij.*

L'Equité du droict naturel veult,
raison ingenieuse approuue, &
les liures tesmoignent que les gestes
des Princes soient redigez par escrit,
afin qu'oubliâce mere des erreurs ne
les

les offusque . Pourtant est decent de les regarder souuēt, afin qu'ilz soient manifestes, & que le bon soit honoré & le mauuais soit vituperé, & qu'on puisse cognoistre les macules comme on faiēt dedans le miroüer luyfant. Il est plaifāt de louer le seigneur qui est sans macule, & regarder le cōmencement de l'exaltation du Comte Palatin, afin qu'on sache comment il a esté de cōuersation honeste. Dieu tout puissant a donné audiēt Comte du tresor de sa grace, bonnes mœurs & sapience: & luy a donné deux rays resplendissans en clarté, par le cercle blanc de sa clemence, tellement que deuant plusieurs princes il est comme vne coulomme de nuée blanche ainsi enuoyée diuinement aupres du Ryn. Celuy Comte n'est point idolatre, mais est vray amateur de Dieu &

RECUEIL DES

de la religion Chrestienne, & est vray
tesmoing de la foy . Je ne sçay que
veult dire l'eclipse nommée à l'encon-
tre d'un homme tant doux & tant
gracieux. Dieu le vueille secourir par
sa clemence diuine & infinie.

*L'ESTAT DIVERS DE LA COMTE
de Palatin est preuen à cause des confederations
rompues, & de l'offence vers l'Em-
pereur. Chapitre xxiiij.*

LEs indices de l'eclipse nommée,
seront cruelz & horribles plus que
n'ont esté veuz de memoire d'hom-
me, tellement que la signification d'i-
celle me donne crainte . Elle sera de
plus grande malice que celle qui fut
du temps du pape Martin, & portera
dommage aux Roys & aux Princes,
à cause qu'elle fut au signe Royal &
au chef du Zodiac : & pour ce leur
fera dōmage, & sera cause qu'aucuns
d'iceux

d'iceux mourront subitement. O noble Duc ne pers point la fortune qui t'a esté donnée des corps celestes, tu ensuyuras tes familiers qui sont contraires à toy. Tu esmouueras le recteur de la fleur de Lys, tu prouoqueras l'Aigle dormant. Tu feras eleuer le Lyon sauuage à l'encontre de l'Eglise: Tu es au plus hault degré de tõe eschelle, tu as prins vn regard amiable, tu as receu honneur des petitz lionceaux, & les as renduz gracieux. Regarde ce qui est dit: Celuy qui sestime estre ferme doit regarder qu'il ne chée. Combien de Lys croistront dedans tes champs? Tes subiectz par ceste eclipse seront opprimez par tes ennemis qui ont haines enuers toy. Les autres auront à souffrir des familiers, desirãs de dominer. Semblablement ladicte eclipse nuira aux gou-

RECUEIL DES

uerneurs de tes citez & petites villes, & seront en diuers dangers. Elle osterà aucuns de leurs honneurs & dignitez. Aux autres elle fera oppression, par seditiō populaire, tellemēt qu'aucuns d'iceux seront tuez, & on ne pourra trouuer les homicides qui les auront mis à mort. Et pour dire en somme: ladicte eclipse menace tous les princes qui habitent en la terre de Baïorique de grandes calamitez & d'infortunes mortelles.

O prince qui portes le Lyon de liberté dessus la teste, considere la clemence que doibt auoir vn prince. Ptolomée le prince des Astrologues dit que l'homme sage dominera par dessus les influences celestes. Ceste eclipse te predict de diuerses fortunes. Il sera donné à toy & à tes lionceaux qui habitent aux montaignes
des

des enseignes d'honneur : & toy ou vn de ton sang sera Duc des Cheualiers & des gens de pied, tant dessus la mer que sur la terre, & auras la puissance de la vie & de la mort. Les citez & chasteaux craindront tousiours ton aduenement. Et si l'eclipse ne t'estoit contraire toute felicité t'aduient droit par succession de temps : mais il y a danger qu'elle ne te mene à la mort infortunée, si tu ne veilles prudemment : Car le Lyon de montaigne souffrira de l'aigle diuerses vexations. Pourtant noble Prince, il est necessaire que les Astronomes, qui sçauent les influences des planettes, ne cessent de predire aux Princes leurs infortunes, afin qu'ilz congnoissent qu'il y a vn seul Prince qui est re-cteur des cieux.

Les mortalitez, decollations & ef-

RECUEIL DES

fusion de sang, qui sont faites par l'inclination des influences, soyēt iugées par les discretz. I'espere que les sages de ton pays ferōt des confederations amiables, à cause de repos & d'honesteté, à cause que les influēces celestes appaiseront la volonté de plusieurs hommes: combien qu'il sera difficile apres les guerres & effusions de sang d'appaiser la fureur des hommes, si ce n'est par quelque reuolution particuliere qui induise à ce faire. S'il aduiēt qu'aucuns meurent, ilz feront de la racine des gemeaux, comme nous declarerons. Plusieurs ans entrans ceste chiliade seront heureux, pacifiques, & assez fertilles quant à la comparation des ans passez. ceux qui sont desouz sagittarius auront bonne fortune, ce sont ceux qui ayment iustice, honesteté, beauté, corroborez par la loy

loy de nature. Par ceste occasiõ ferõt des commotiõs es terres vsurpées par les gemeaux , à cause qu'ilz font veuz deroger à iustice, à hõnesteté, à paix et à vtilité. Grande difficulté sera, crainte deffoubz ta principauté, laquelle se finiera de fin louable. Toutesfois, Prince sans macule, le plus grád danger qu'il aduiẽdra à toy ou aux tiens, sera par le chemin , & quand tu iras aux mótaignes et pays d'autruy pour batailler. Quant aux pactz, compromissions, confederations, & ordinations, te seront bien profitables es batailles, & en conduifant tes exercites sans doute . Certes le Lyon dormira seurement es montaignes dedans sa cauerne. Les veneurs ne pourront cõgnoistre ses pas: si non quand il montera ou descendra . Tiens ces choses en ton cœur: car tes significations a-

RECUEIL DES

viendront en tes villes & terres. Des-
sus tes subiectz viendront des choses
nouuelles avec honesteté & beauté:
& tout ce que i'ay dit de ta seigneu-
rie puissante peut estre entēdu de l'e-
stat & office de son peuple. Il vien-
dra quelqu'un de ton sang, qui sera
en regime plus grād que toy. La ron-
deur du ciel ce produira, ta confede-
ration sera rompue, & la foy d'icelle
sera perdue. L'aigle suscitera à l'encō-
tre de toy des bestes du Ryn, & tes
prochains s'esleueront contre toy: &
tes petitz lyonceaux s'enfuyront, &
seront tristes. Ces choses sont co-
gneües par le Soleil qui est cause que
les petitz lyons aurōt bien à souffrir.
Et quand le Soleil se leuera clair, tou-
tes les Estoilles leonistes seront offus-
quées: & tout ainsi que vous auez voz
yeux allumez du Soleil, vous souffri-
rez

rez eclipses, vexations & humiliatiōs
par long temps.

*L'ESTAT FUTVR DE L'EMPIRE
est denoté par l'arbre qui fut veu de Daniel:
pareillement diuerses guerres entre les
Chrestiens & entre les infi-
deles. Chap. xxv.*

IL est dict en Daniel ij.cha. qu'apres
la vision du Roy, Daniel respōdit:
Il est ainsi que tu as veu l'vne partie
des piedz de terre seiche: & l'autre de
fer. Tout ainsi que le fer ne peut estre
mellé avec la terre: ainsi deffouz l'Em-
pire Romain feront discordes diuer-
ses entre les Catholiques, & les Turcz
infideles. Vne partie sera confirmée
deffouz l'empire de Cōstātinople, &
l'autre sera cassée: c'est asçauoir l'Em-
pire des Trapefonciens. Alors Dieu
suscitera le Royaume du ciel, lequel
durera eternellement.

Octouianus premier gouuerneur

H

RECUEIL DES

des Turcz, fut Empereur fort belliqueux:et premier fist guerre aux chrestiens avec ceux de Prusse, de Pologne, de Tartarie, de Ruthenes. Il fut puissant alencontre des fidelles Chrestiens, empoisonnant le chef excellent de la religion Chrestienne: & a tousiours esté nommé belliqueux entre les gouverneurs, Princes, & Capitaines de Turquie.

Thamarlanes fut Chrestien, & fut Roy trespuissant d'Armenie, de Tartarie la maieur & la mineur, & d'Alanie, seigneur de Capadoce tresredouté: Il fut tousiours ennemy aux turcs, & les contraignit d'estre vagues en plusieurs regions comme papillons, & les fist vestir de robes viles. Alors leur or fut mué en scorie ou litarge, & fut changée sa belle couleur naturelle.

Orchanes

Orchanes fut le second qui voulut empoysonner la foy des Chrestiens du venin d'infidelité, lequel fut surmonté, & mis à mort en Slesie par les princes de Polõgne avec quarante mille Turcz, aupres de la cité de Nauymarch, dont petite quantité de ses gens en eschapperent.

Le tiers fut Amorathes prince des turcz, lequel par armes & par feu subiuga les terres & prouinces de Tartarie la maieur, & la mineur, aupres de Thaffe & de la mer Hellespont & de Euxinne, tellement que l'Empereur de Trapefonce & le Roy Thamarlanes dessus nommé ne peurent resister à luy, & alors l'or de la religion Chrestienne eut beaucoup à souffrir.

Pazaytes fut le quart, & fut le basilic venimeux qui fort persecuta les Chrestiens, lequel en la fin fut mis à

RECUEIL DES

mort par Thamarlanes roy d'Alanie & d'Armenie. Et ledit Thamarlan a fait tout son tēps guerre aux Turcz, les destruisant par glaiue & par feu. Pareillement Draculus de Molda & Vvalachia, qui fut capitaine hardy, fist des guerres pleines d'honneur à l'encontre des Turcz infideles, afin que la statue de Nabuchodonosor Roy celeste ne tumbast en terre.

Calapin fut le quint, qui persecuta les Chrestiens, & surmonta Sigismōd l'Empereur treschrestien au champ de Philadelphie aupres de Schileach & furent plusieurs Chrestiens mis à mort, tellement que ledict empereur s'enfuit avec quatre de ses gens-darmes, et pour lors eut beaucoup à souffrir. Alors ledit Calapin print l'Empire de Trapefonce & plusieurs villes & chasteaux, lesquels depuis par ledit

dit Sigismond furent reduictz à la Chrestienté par subtil moyen.

Salamannus fut le vj. lequel gasta plusieurs terres d'Alanie, d'Armenie la maieur & mineur, bataillant continuellement contre le Roy Thamarlan, es parties de Nigrepõt, & gagna les villes les plus riches & les plus belles que tenoit ledit Thamarlan, tant par glaiue que par feu, & dessoubz ce luy fut faict serf & tributaire le Roy Thamarlan, dont fut dommage inestimable aux Chrestiens.

Orchanes fut le vij. qui print sur les Chrestiens plusieurs villes, chasteaux & terres, principalement au pays de Trapefonce, & en la mer Pontique & d'Euxine, & au bras de saint George: & obtint plusieurs victoires, tant par armes que par feu.

Moyse. viij. fist mourir ledit Or-

RECUEIL DES

chans, pour auoir son Royaume & l'eut. Il print l'Empire & plusieurs terres d'Asie la maieur & la mineur, & de Tartarie, & vers la mer Pontique inferieure & de la grand mer de Salla, & tout par grande cruauté de glaive & de feu.

Machomet fut le ix. & regna en Sougliane, Gordiane en Sarracenie Aquilonaire, en Alanie la maieur belliqueuse, & en Cappadoce la feconde, & par violéce print plusieurs provinces, citez & terres, & les rendit tributaires à l'Empire de Trapesonce, qu'il auoit occupé. Helas! alors l'image d'or fut diminuée en bonté, & fut conuertie en cuyure, car la religion Chrestienne fut fort gastée.

Amorathes x. frere de Machomet, tint l'Empire des Turcz. Celuy lá surmonta Ladislaus le roy de Pologne

ne tresdeuot, & Iulian Cardinal de S. Ange avec lxxviii. mille hommes de guerre, tellement qu'il n'en eschappa que xxxvj. & comme tesmoigne Iean de Reschaffz cheualier, lequel y fut l'an mil quatre cens quarante, ledict Amoraches occupa Trapefõce, Thesfalic, Peloponnese, & des prouinces & villes tresriches.

Machomet xj. empereur des Turcz obtint par glaiue & par feu Constantinople, Musée, Bosne, Thaffe, Chirafonde Romaine la maieur, toute Asie mineur, Histrie, Thrace, toute la Grece, Croacie, Cilicie, Schlauonnie, Dalmacie, & tout sans resistance de l'empire Romain ne de l'Allemagne haulte ou basse: excepté le tresfidele Mathias roy de Hongrie, lequel iufques au temps present a tins bon contre les Turcz, & a merité d'estre nom-

RECUEIL DES

mé Treschrestié entre tous les catho-
liques:mais hélas! quel dōmage,l'or
est chāgé en fer iusques aux piedz de
l'image,& est abaissé iusques à terre.

Marnet xij.a obtenu,dōt c'est gros
dommage,Serme,Rascie,Theodosie,
Theodonne,Rissie blāche & rouge,
Padalée,vualachie maieur & mineur,
Burgarie,Ciputie,Vuerstlādie,Mol-
de,Corinthe,Ephese,& Schuterim,
auec la faueur & confederation des
Veniciens,lesquelz comme meschās
se rendirent tributaires à eux,faisans
guerre contre les Chrestiens,& suy-
uans les mœurs des Turcz,maintenāt
occupant quelque terre & tātost vne
autre.Mieux vouldroit qu'ilz fussent
turcz du tout,car en brief on leur en
feroit faire bonne restitution.

Doglosius xij.lequel eut deux filz
Danor & Lerodus,obtint encore d'a
uantage

uantage que les autres, car par la multitude des pechez des Chrestiens, Dieu a permis que luy & ses capitaines & gouuerneurs qui estoient Chrestiens reniez, ont prins Rhodes, Cecile, Calabre, la pouille, la terre de labeur, nommée Abrotz, Căpanie, Sardaigne, Corse maiorique & minorique, & toutes les Isles de la mer Mediterranée, & les a surmontez par glaiue & par feu, & si Dieu n'y met remede par sa grace, il occupera toute la Chrestienté.

COMMENT L'EGLISE AVRA

à souffrir par les infideles, qui en fin seront sur-

montez par les Hongres & Espagnolz,

& Constantinople sera deliurée.

Chapitre xxvi.

LE bon hermite Reynardus Lholdardus dit en ses reuelations. Viendra l'heritier de Doglosius, qui se glorifiera de la lignée de Sara: mais il

RECUEIL DES

sera bastard, & de la lignée d'Agar, & ses successeurs seront nommez Agarenes, & n'edifieront point de maisons: mais habiteront es champs, cōme gens bestiaux, dedans des tentes, & viuront de rapines & larcins. Ilz s'esleueront à l'encontre des Chrestiens, es parties d'Occident & de Septentrion, & les simples & debonnaires seront oppressez d'iceulx. Et pour ce dict Methodius. Il viendra vn temps que les Agarenes fortiront des desers d'Allemagne, & occuperont la terre de la Lune, par l'espace de huit ans. Ilz destruiront les villes & citez, & tueront les prestes dedans les eglises, & dormiront dedans avec leurs femmes, & boyrōt dedans les calices, lieront leurs cheuaux aux sepulchres des mors, à cause des iniquitez des Chrestiens qui regneront
pour

pour lors . Ilz seront surmontez vers la pomme d'or d'Agrippine, & mourront. Les Princes Chrestiens n'en tiendront conte, excepté vn Roy d'Espagne, qui mettra à mort le successeur de Doglofius, à cause que l'eleuation de Saturne, dessus Iuppiter n'a point encore prins fin . Et l'eleuation des Turcz succombera: plusieurs Royumes reuiëndront à l'eglise Romaine, & les filz du Sagittaire, les Espagnolz & Hongres se monstrent vaillans par dessus tous Catholiques, & chasseront la malice de Saturne dessus les Turcz: & seront dechassez par lesditz filz du Sagittaire. Et ce sera dessoubz Maximillian ou dessouz le prochain qui succedera à l'Empire de la lignée des Charles. Apres viendra vn temps pur sans nuées, plein de felicité, & sera toute malice amortie, & tout ce

RECUEIL DES

que Saturne le malicieux auoit suscit-
té, sera corrigé par le moyen de Iupi-
ter le gracieux : lequel monstre vn
temps pacifique, avec grande ioye.
Et quand ceste malice sera passée, &
que les Turcz serōt extirpez, on voir-
ra les hommes passer la mer par gran-
des compagnies, & l'eglise de sainte
Sophie sera en valeur, & viendra tou-
te felicité. Le Lyon sauuage sera ame-
né à la mere Eglise Chrestienne avec
vn lacz de foye, & sera faicte nouuel-
le reformation qui durera long tēps,
& le nom de l'Empereur des Turcz
ne sera plus ouy entre les Catholic-
ques. Et si d'auenture les Princes d'Al-
lemaigne ne consentent point avec
l'Aigle, viendront des batailles capi-
tales & ciuiles : & viendra l'heritier
de Doglosius, lequel sera la xv. bran-
che des Turcz, qui destruira Polon-
ne,

ne, Misie, Thuringe, Hasse, Prutenne: & entrera en Picardie, en Brabant, en Flãdres: & sera tué aupres de la pôme d'or vers Agrippine. Et pource entre vous Chresties, retenez en voz cœurs ces choses dessusdictes.

Il trouue diuerses opinions du temps, auquel les maux dessus nommez aduiendront: combien que tous les predisent par la distance de l'eclipse à l'ascendant. Aucuns iugent par les heures de la distance, & les autres par les signes: & ont entre eux quelque diuersité. Aucuns pour chacune heure ou signe commandēt de prendre vn mois: & les autres, comme Haly & Ptolomé, commãdent de prendre vn an pour chacune heure de distance de l'ascendant. Pour ce en ensuyuant les premiers ce auindra l'an mil quatre cens xcvi. & xcviij. xcix.

RECUEIL DES

cinq cens. Et apres viēdront de grans
maux vers l'an mil cinq cens & trēte,
si le peuple ne delaisse iniquité & ay-
me Iustice.

*L'ESTAT ET DISPOSITION DES
Iuifz infideles, est declaré comment ilz seront
disposez. Chapitre xxvij.*

Saturne l'infortuné & pestifereux,
Sentrera en sa maifō l'an mil quatre
cens lxxxviij. c'est asçauoir en Aqua-
rius & Capricorne. Et apres se mon-
strera malicieux à l'encōtre de la loy
d'Israel: Car les Iuifz enuenimez se-
meront diuers maux en diuerses re-
gions. Ilz serōt gouuerneurs des Prin-
ces, Medecins, Artiens, & conseillers.
Ilz deuiendront riches, & seront ay-
mez des Seigneurs, à cause de leleua-
tion de Saturne en ceste cōiunction.
Mais quand Saturne sera adioinct a-
uec Aries, les deffenseurs & prote-
cteurs

eteurs d'iceulx auront beaucoup à souffrir. Il est escript, que Dieu dist à Ezechiel. Prends le glaiue qui rase le poil, & le mene sur la teste de la barbe, & brusle la tierce partie du poil au mellieu d'iceux, la tierce partie tu la couperas, & la reste tu la ietteras au vent. Ces choses viendront dessus les villes & protecteurs des Iuifz Saturnins. La tierce partie d'iceux mourra de faim & de la peste: & l'autre tierce partie mourra de glaiue, & le vent diuulguera les malheurs d'iceux. Je feray cela en ma fureur, & mon œil ne leur pardonnera point. O gent miserable qui as demeuré en ton erreur iusques à ceste heure, qui t'a seduit & aueuglé ainsi? C'est tō auarice. Tu denies Iesus Christ, & attens tousiours le Messias. Entre vous insensez & miserables Saturnins, escoutez. N'auetz

RECUEIL DES

vous point veu de terribles accidens aduenir au tēps de paix, prophetisé dessus Iudée & Ierusalē par Esāye, disant. Ilz mettrōt leurs glaiues en cōtres, & leurs lances en faulx: & ne s'eleueront point gens cōtre gens, & ne ferōt plus de guerre. Auec ceste paix, au tēps de la Natiuité de Iesus Christ, Herodes tua les Innocens, l'vnction & le sceptre furent ostez de uos mains, & plusieurs autres choses qui ne desroguēt en rien à paix & à vertu. Ezechiel a prophetisé dessus vostre loy, disant. Dieu n'a il point dict, vous six passez par la cité, & battez tous ceulx qui n'aurōt point dessus eux le signe de Thau, ne pardonnez à personne: commençant à mon sanctuaire: c'est à dire aux gens d'Eglise & Prelatz? O vous six Electeurs, vous estes les six qui desplanterez ceste meschante racine

te racine en Allemagne. Ezechiel dit. La grande Aigle vollera d'Orient en Occident , & viendra au verger de l'Empire, & apportera le Cedre esleu, & mangera la moëlle des Iuifz , & emportera la substance d'iceulx.

O infensez, qu'a prophetisé Iacob le Patriarche de vous? N'a il point dict, que le sceptre ne sera point osté de Iuda tant que le Messias sera venu? Mōstrez à ceste heure vostre sceptre, mōstrez vostre Roy. Oyez, aucuglez, que dict Daniel au 10. chapitre. Post hoc: c'est à dire, apres la destruction du temple de Hierusalem , Iesus Christ nasquira, lequel est Iustice eternelle, la vision sera purgée , & la prophetizatiō. Et alors le sainct des sainctz sera oingt: duquel dit le royal prophete Daud . Propterea vnxit te Deus Deus tuus oleo lætitix. C'est à dire:

RECUEIL DES

pour ceste cause dieu t'a oingt d'huile de lieſſe: le vray meſſias n'a il point commãdã l'office d'Empereur, quãd il dit: Reddite quę ſunt Cęſaris Cęſari. C'eſt à dire. Rẽdez à Cęſar les choſes qui luy appartiẽnent. N'a il point fait l'office de Roy, quãd voz parens l'ont couronné? N'a il point fait l'office de Iuge, quãd il deliura l'adultere de voz mains? N'a il point fait l'office de legiſlateur, quãd il a donnẽ ſes commandemẽs? N'a il point approuvẽ l'office du Pape, quand il donna à ſainct Pierre les clefz, & commanda que ceux qui ſ'assẽent deſſus la chaire de Moyſe luy obeyſſent? N'a il point accompli l'office d'Apoſtre, quand il fiſt ſes Apoſtres preſtres? Il a faiet l'office de preſtre, quand vous, cõme chiens enragez, l'avez immolé en la croix. Il a faiet l'office de Dieu, quand

quand il vous a monsté plusieurs miracles. Il a monstre aux religieux leur office, quand il obeit à Dieu son pere. Il monstra l'office aux penitens, quand il ieusna quarãte iours. Il mōstra l'office des martyrs, quand il fut crucifié: & l'office des confesseurs, quand il prescha la vraye doctrine, laquelle n'auetz point voulu ouyr. Il est nasqui de vierge, il est demeuré vierge, & ayme virginité. Pēsez si vostre messie que vous faignez estre à venir vous fera de telles œuures. Que vous diēt le vray Messias? Le vous ay mōstré beaucoup de bien, pourquoy me voulez vous faire mourir? I'estoye tous les iours au tēple, en vous enseignant. O pecheurs enormes qui ne voulez obeir à la foy: de brief viēdront les iours que vous direz: Nous auons prins le tesmoignage des hom

RECUEIL DES

mes: mais celuy de Dieu est plus grād
 & ceux qui seront maculez de vostre
 venin seront punis eternellemēt. Ce-
 ste racine Saturnine sera extirpée des
 Allemagnes & s'enfuira de la mer.
 Dieu a donné sa misericorde à vous
 cōme aux autres, mais vous avez dict:
 Voicy l'heritier, mettons le à mort, et
 nous aurons son heritarge, laquel-
 le chose avez faiēt. Et pour ce Dieu
 voyant vostre obstination vous a di-
 spersez par toute la terre. Et mainte-
 nant n'avez nulz prophetes, ne Roy,
 ne Prestre, n'autel, ne sacrifice, n'vn-
 ction: mais estes mesprizez de tout le
 mōde en desolation perpetuelle. Da-
 niel dict que vostre desolation du-
 rera iusques à la fin du monde.
 Pauures miserables, escoutez que dict
 Amos. Je conuertiray Israel dessus
 trois pechez: mais pour le quart, ie ne
 le

le conuertiray point: pour ce qu'ilz ont vendu le iuste pour l'argent.

Le premier peché fut la vendition de Ioseph par ses freres. Le secõd fut l'adoration du veau en la mótagne d'Oreb. Le tiers fut l'occisiõ des prophetes, comme est dit Esayæ 6. Le quart fut la vëdition de Iesus Christ: pour ce est dit Malac.1. Je n'ay point de volonté en vous, & ne receuray point vostre sacrifice: car depuis orient iusques en occident mon nom est exalté des gës, c'est à dire des Chrestiens. Moyse dit Deuteron.28. Erunt gentes in capite, & populus incredulus in cauda. C'est à dire, Les gentilz seront au chef, & le peuple incredule en la queuë. Vers la fin du móde peu de Iuifz seront conuertis à la foy: car ilz seront seduiçtz par l'Antechrist. Il est dict Esaye 69. Le Dieu d'Israël

RECUEIL DES

r'occira, & appellera ses seruiteurs par leur nom, ce sont les Chrestiens. Et est assez pour le present parlé des faulx Iuifs.

*LA VERTU DES INFLUENCES
est prouuée par plusieurs raisons, es choses
inferieures. Chapitre xxviij.*

Dieu tout puissant a dōné aux choses inferieures vertu par leurs principes, & par proprieté diuerfes: & pource au cōmencemēt dist Dieu: La terre germe & produise herbever doyante, & faisant semēce selon son genre, tellement que cōme il est conuenu au viij. de sainct Luc. Vn grain produise cent fois au double. Et d'un petit noyau est produict vn arbre plus grād mille & mille fois que luy. Pour ce nul ne faict doute qu'en toute chose créée, Dieu a dōné ceste vertu multiplicatiue, cōme on voit des hōmes,

hōmes, & des bestes irraisonnables. Les pierres precieuses croissent par la vertu des corps celestes, qui produisent leur effect en la terre en alterant, en separant, & en purifiant. Et par leurs rais est enuoyé l'esprit pour les coaguler & clarifier. Et pour ce plusieurs philosophes ont cogneu qu'elles ont diuerses vertus. La vertu de la topasse descend d'alpheta, & la vertu du saphis descend d'alharoch, comme Hermes declare au xv. chapi. des pierres precieuses. Ainsi est fait es mines des metaux, par succession de temps les planettes produisent leurs effectz naturelz, creant en la terre les metaux qui sont de diuerses especes & vertus. Et pour ce les philosophes voulans enfuyuir les œuures de nature ont trouué l'art d'alchimie. *La pierre philosophale.*
Et premier Calcinant le Mercure, a-

RECVEIL DES

pres le dissoluent, puis separēt les elements, tellement qu'ilz prennent l'esprit separé d'iceux, puis apres le fixēt, & cōme dit Geber: C'est la chose laquelle a la vertu de purifier les metaux, de les alterer, & de les muer en autre espece. I'ay faiēt ceste similitude, pour ce que les influences celestes font les operations tant bien qu'on ne sçauroit dire. Et pour ce l'hōme peut en foy contempler l'ordre & les effectz dessus nommez. Les gemmes, les herbes & semences ont des vertus lesquelles passent la capacité de l'esprit humain, & procedēt des corps celestes. Pour ce dit Alchindus que la cognoissance de l'hōme procede de choses euidentes, & de plusieurs proprietiez occultes, lesquelles le sens ne peut comprendre, on n'en a point science par demonstration

stration. Les vertus des semées font la diuersité des membres, des complexiõs, des figures, des couleurs, des qualitez tant occultes que manifestes. Semblablement des gemmes, herbes & vertus des corps, lesquelles font des œuures admirables. Et ainsi de ceste constellation naistra vn Prophe- te en l'an xcvi. ou enuiron, lequel fera de belles œuures, comme s'en suy- ura au chapitre sequent.

*VN SAINCT ET SAGE PROPHETE
viendra, qui reprimera les erreurs qui sont à l'encon-
tre de la foy, & preschera feruementement la verité.
Chapitre xxxix.*

QVand plusieurs sectes viendrõt au temps denoté: alors vien- dra vn homme sage orateur, lequel quand il sera en aage de discretion, cognoissant que les influences cele- stes esmouuerõt le peuple à heresies,

RECUEIL DES

preschera le peuple: & par ses œuures
le corroborera en la foy, & denonce-
ra les vtilitez & dommages aduenir.
Pource le peuple sera conforté & fe-
ra confederation. Aristote dit au se-
cond liure de generatiõ, qu'aux cho-
ses qui ont similitude le passage est
plus facile. Et pource qu'alors seront
aucunes conionctions inclinantes à
paix, avec la persuasion dudit Pro-
phete, la paix sera de plus grande effi-
cace, d'autant que le courage du peu-
ple sera incité à icelle. Les charbons
sont souuent allumez par vne estin-
celle de feu. Et pource ledit saint hõ-
me suscitera des amitiez & des hay-
nes, des dances & des batailles selon
l'influence des astres. Et s'il a la co-
gnoissance des vertus celestes, il profi-
tera beaucoup en ses harégues & pre-
dicatiõs. Et par ses presages & reuela-
tions

tions, le peuple le tiendra pour vray prophete, & l'aymera & craindra, faisant les commãdemens de Dieu par ses oraisons, & sera tenu en grãd honneur. En son temps commenceront plusieurs sectes au monde par aucũs nouveaux prophetes, & aucuns des hommes se voudront deifier comme est dit au septiesme liure de l'histoire Tripartite . C'est la coustume des payens de deifier les hommes qui sont fort heureux en ce monde : & pource plusieurs appellerent l'Empereur Adrian Dieu, & ainsi se font diuerses mutations & obseruations par les hommes . Dessoubz ce Prophete viendront des nouvelles loix, & les vieilles seront delaissées. Les bons & iustes legistes seront mesprizez, & la felicité de Mercure sera perdue en plusieurs royaumes. La faulse mon-

RECUEIL DES

noye aura lieu en plusieurs lieux, & le peuple sera exactiõné, tellemēt que de grandes factiõs viendront entre le peuple Chrestien: & se rebellera cõtre les princes plusieurs trahisons oc cultes se machineront. Et ceux qui se mettrõt aux chemins seront en danger des brigãs. Plusieurs hommes enragez feront plusieurs maux, tellemēt que le peuple en tremblera, & verra des choses qu'il ne vit iamais.

*IL NAISTRÁ VN GRAND ROY,
lequel fera de nouvelles loix & constitutions.
Chapitre xxx.*

IL sera necessaire de constituer de nouvelles loix, pour le profit & vtilité du bien public, & de destruire aucunes loix & priuileges, il est escript au Digeste: que quand on veult cõstituer quelque nouvelle loy, on doit premier cõsiderer l'vtilité d'icelle, & felle

elle est iuste, par ce moyen est gardée la valeur de iustice : & ce procede des inclinations actiues des Planettes, par lesquelles les voluntez des hommes se consentent secretement, & par ce moyen leur semble iuste ce que la sensualité leur conseille, & ainsi sont les loix constituées & approuuées. Et par ce on peut cognoistre que le droict depend du consentement de plusieurs, & que necessité l'a constitué & confirmé. En la constitution de toutes loix est requis le consentement du peuple, lequel ensuit la sensualité le plus souuent, laquelle est inclinée par l'influence des corps celestes. Donc il fault auoir aide du ciel à celuy qui veult cōstituer quelque loy, afin que le peuple y cōsente: car autrement le legislateur feroit comme celuy qui fist princes les

RECUEIL DES

renars & les fist pasteurs de poulles. Ceste chose est confirmée en la Loy du Digeste, qui dict: La coustume inueterée n'est point tenue pour loy, s'elle n'est constituée par les mœurs de ceux qui en vsent. Ceste chose est figurée par Ieremie, qui dit: Mon peuple a fait deux maux, C'est qu'il a delaisé la fontaine d'eau de vie, & a fait en la terre des cisternes lesquelles ne peuuent tenir l'eau. La fontaine de l'eau viue, est la sainte escriture. La cisterne qui ne contient point l'eau, est le droit Canon, & les Decretales, qui contiennent auiourd'huy l'eau de sapiece, & demain ne les contiendront point. Et par ainsi appert que le droit Ciuil & les Canons des Papes ne s'ont point du tout de la loy diuine, mais sont subiectz aux constitutions humaines. Pour ce dit Dauid
parlat

parlât à Dieu en son Pſeaume cxviij. Ta iuſtice eſt iuſtice eternellement, & ta loy eſt verité. L'eau & la terre meſlée empeschent la veüe à penetrer, auſſi l'affection des biens terreſtres empeschent pluſieurs iuges de bien iuger. Et ceſte choſe n'eſt point en la loy diuine. Ieremieꝝ ſecundo capitulo. Quid tibi vis ô iuriſta in via Egypti? c'eſt adire: Que te veulx tu en la voye d'Egypte, ô iuriſte? Il eſt d'oc euident pour le preſent, que les loix ſont muables ſelon la volunté des hommes. La mutation d'icelle proce de de l'impetuofité & inclination du peuple. Pourtant qui voudra conſiderer les cauſes, on trouuera que tout procede des effectz, eclipses, & influences des planettes & eſtoilles.

RECUEIL DES

*IL NAISTRÀ VN AUTRE PRO-
phete de grande sainteté & scientifique, qui
predira au peuple plusieurs reuela-
tions. Chapitre xxxi.*

IL viendra vn autre prophete moin-
dre que l'autre dessus nōmé, lequel
interpretera tresbien la sainte escri-
pture, & de la grace diuine donnera
plusieurs vrayes respōses, & releuera
les ames des mortelz qui seront tom-
bez en la terre. Sa naissance sera du-
rant le tēps de nostre cōstellatiō. Les
Astrologues appellent prophetes
ceux qui font en la loy quelque mu-
tatiō, ou qui induisent des nouvelles
ceremonies, & exposent la science
diuine, & qui ont quasi science diui-
ne: mais d'iceux aucuns sont faulx, cō-
me fut Mahomet, & aucuns sont
veritables, comme saint François &
saint Dominique. Quel sera celuy,
il sera cogneu par ses mœurs. Et com-
bien

bien que ces choses soyent cōgneües des doctes en Astrologie , il nous plaist de declarer aucunes grandes cōiunctions , lesquelles de long temps sont passées , & d'icelle l'vne fut en la triplicité de l'eaüe l'an mil trois cens soixante cinq, & fut parfaicte au huitiesme degré du Scorpion. Ilz en furent deux qui la precederent, & deux qui la suyurent, & furent en la triplicité de l'air, qui fut parfaicte au signe de Gemini, & d'Aquarius . La tierce apres fut l'an mil quatre cens vingt cinq, & fut encores en la triplicité de l'eaüe, laquelle fut au treziesme degré du Scorpion: & a duré ceste triplicité iusques au temps present . Et ainsi est euidēt le temps de la natiuité dudiēt prophete.

K

RECVEIL DES

*IL VIENDRA VN MOINE GRIS,
qui sera deceueur & hipocrite, qui par faulx signes
seduyra plusieurs gēs, & sera cause d'effusion de sang.
Chapitre xxxij.*

IE dis qu'es pais du Scorpiō naistra
vn Prophete apres qu'on aura veu
en l'air plusieurs signes & prodiges,
lequel (comme dit Messahala) naistra
en pais temperé d'air en ses qualitez,
tel qu'il conuient à confermer la san-
té de l'homme. Lediēt prophete for-
tira de son pais, & fera plusieurs si-
gnes aux regions subiectes à Leo &
Aquarius. Albumasar dit que ce sera
aux signes aquatiques, en la region
meridionale, & y manifestera ses mi-
racles. Il sortira de son pays pour ce
que Iesus Christ a dit: Nemo prophe-
ta acceptus in patria sua. Le temps de
sa predication durera xix. ans selon
les ans moindres du Soleil. Si nous
voulons suyuir la doctrine d'Albu-
masar

masar, il sera vestu d'habit roux, tendant à splendeur: l'indication est à cause de Mars & du Soleil qui le feront incliner à aimer telle couleur. Et selon l'opinion de ceux qui considerent la cōiunction de Iupiter avec la Lionne avec la teste du Dragon, il sera vestu de couleur tendant à blancheur, & constituera vne nouvelle religion. Les signes pour le cognoistre sont, qu'il aura de petites taches noires dessus son corps, & aura diuerses macules dessoubz l'aisselle, & en la cuisse dextre. Il sera difforme de corps, à cause qu'il sera mal fortuné au costé dextre du ciel en la dixiesme maison vers l'oroscope de l'ascendant: il sera effeminé, & aura vn signe en la poëtrine, à cause du Lyon qui sera au sixiesme degré de sa maison. Et comme dit Formicus, il sera horri

RECUEIL DES

ble & à Dieu & aux espritz malings; & fera diuers signes & prodiges. Les mauuais espritz craindront la presen- ce d'iceluy. Et guerira les malades, non pas de parolles, mais seulement de sa presen- ce. Toutefois Antoine de Mont-d'Horme dit qu'à cause de la partie du regne de Iupiter qui sera au degré xi. de la coniun- ction, il n'accomplira point d'œuure ce qu'il pres- chera de la bouche aux autres. Il aura bon entendement, & aura la science de plusieurs choses, & grande sapien- ce, mais par hypocrisie dira souuent des choses faul- ses, & aura la cōscien- ce blessée, & fera comme le Scorpiō: car par ceste eclipse & coniun- ction en la maison de Mars il dispersera le venin qu'il a en la queue, & fera cau- se de grande effusion de sang, à cause que Mars sera son significateur. Et
semble

semble qu'il voudra confirmer la foy des Chaldéens, comme recite Messahala. Et combien qu'il face plusieurs signes, toutesfois il le faudra seulement croire, quand il suyura la doctrine veritable de Iesus Christ. Et semble qu'il sera de ceux desquelz Iesus Christ a parlé en la sainte escripture, desquelz est dict Matth. xxiiij. Si quelqu'un vous dict voyla Christ, ne le croyez point: car sur terre viendront plusieurs faulx Christz, & plusieurs faulx prophetes qui feront de grands signes, pour seduire le peuple filz peuuent. Et pour ce ie vous preditz, que si telles gens viennent à vous, difans, voyla Iesus Christ au desert, ne sortez point: & filz vous disent, il est es interieures & secrettes parties de la maison, ne le croyez point.

RECUEIL DES

IL NAISTRÀ VN AVTRE FAVLX
*prophete, qui par sa doctrine seduira les Princes
& les Prelats, comme vn Antechrist.*
Chapitre xxij.

A Pres celuy dessus nommé vien-
dra vn autre prophete faulx de
la terre du Lyon, qui preschera en la
court de Rome des choses merueil-
leuses. Il seblera estre sainct & plein
de bonnes mœurs: mais soubz l'espe-
ce de saincteté fera diminuer la foy
Chrestienne. Il en fera brusler plu-
sieurs: & aura le mauuais esprit enra-
ciné en son cœur. Il ira avec hypo-
cristie deuers le Pape: & luy demande-
ra licence de prescher. Apres par sa
simulation de saincteté s'en ira de-
uers les Euesques & Prelatz, & deuers
les Princes, & les deceura, & menera
à grand erreur. Il fera errer plusieurs
sages & bien renommez, tant en Ita-
lie, Lombardie, qu'en la haulte Alle-
maigne,

maigne, & sera plus honoré du peuple que iamais fut homme, depuis le commencement de l'Eglise. Plusieurs le renommeront l'Antechrist meslé. Aucuns euesques l'honoreront, mais il sera en la fin tué miserablemēt, dōt plusieurs seront scandalifez. O si les veritables recteurs des Eglises scauoyent l'aduenement de celuy, commēt ilz batailleroient fort cōtre luy, & appaiseroient Dieu par penitēce, afin qu'ilz n'endurassent telle persecution: Car il sera le baston de la fureur de Dieu, à l'encontre des filz d'iniquité, ilz crieroyēt certes mercy à Dieu, & le cognoistroyent leur seigneur. Le vray Pape criera vers le ciel: & alors sera faicte nouvelle restauration vtile en l'Eglise apres la mort d'iceluy. Donc si l'Eglise doit estre renouvellee il fault qu'elle soit

RECUEIL DES

destruicte par ce faux prophete, puis
sera en bon ordre long temps.

*L'AUTHEVR PARLE EN BRIEF
d'aucuns qui ont cogneu des reuelations.
Chapitre xxxiiij.*

AV temps qu'Antoine Theodo-
re duc de Genes regnoit, fut e-
script vn liure par Theleforus pre-
stre deuot, lequel est plein de prophe-
ties, dedans lequel liure sont escrites
toutes les choses futures touchāt l'e-
stat & regime de l'Eglise, & cōme el-
le doit estre renouuellée. Et est escrit
comment dés long temps passé Dieu
l'a reuelé à son seruiteur Ioachin Ab-
bé, & à saint Cyrille Euesque, quand
par l'Ange luy fut apportée vne ta-
ble d'argent, dedās laquelle plusieurs
reuelations estoient escrites, princi-
palement l'estat futur de l'Eglise, iuf-
ques à la fin du monde.

*VN EMPEREVR ENTRERA DE-
dans Rome, à main armée, & fera de grandes
persecutions aux Prelatz & aux Clercs.*

Chapitre xxxv.

IL est cõtenu au liure de sainct Ci-
rille, que deuãt que l'Eglise soit re-
nouuellée: Dieu permettra que la di-
gnité Papale vaquera, & alors seront
diuerses diuisions en l'eglise, desquel-
les sera cause l'Empereur Allemant,
lequel se cõfiant de sa puissance vou-
dra constituer vn Pape. Alors les Ro-
mains & autres Italiens, s'efforceront
de resister à la puissance de l'Aigle, la-
quelle se courroucera: & pour ce fera
vne grande armée, non seulement
d'Allemens, mais eslira les pires gen-
darmes qu'il pourra trouuer d'autres
nations: & entrera dedans Rome à
grand puissance, & mettra en captiui-
té les prelatz & religieux: & fera mou-
rir aucuns d'iceux par diuers tour-

RECUEIL DES

mens. Et pour ce ils feront raser leurs couronnes : & plusieurs s'enfuiront par les boys & montaignes : & apres que les mauuaises racines & espines seront arrachées, viendra vn homme saint, lequel appaisera l'aigle, & mettra bon ordre en l'Eglise.

*VN SAINCT HOMME SERA CON-
sacré Pape, lequel reformera toute l'Eglise.
Après viendront trois autres de sainte
vie, qui consermeront les constitutions
d'iceluy. Chap. xxxvi.*

A Pres (cōme dit Ioachim en son liure de concorde) viēdra à Rome vn hōme solitaire, de sainte vie, lequel fera esleu Pape : & Dieu fera par luy plusieurs miracles : & pour ce sera honoré de tous Chrestiens : & n'osera nul aller à l'encontre de ses cōstitutions. Il osterà la pluralité des benefices & les gros reuenuz : & cōstituera que les prestres viuront des decimes


cimes & oblatiõs feulemēt. Il defendra la pompe des habillemens, les chanfons & dances deshonnētes, & commandera que les femmes foyent accoustrées honnēstement fans or & pierres precieufes: & fera prescher les euāgiles par toute Chrestienté, & delaisser les disputations sophiftiques. Il ne fera que quatre ans en sa dignité papale: & apres mourra en Iesus Christ.

Incontinent apres, Dieu suscitara trois autres sainctz hommes l'un apres l'autre, de semblables vertus que le premier: & feront plusieurs miracles, d'auantage approuueront les doctrines & constitutions données par le premier, & dessoubz iceux l'eglise fera en valeur: & seront appellez du peuple vrais pasteurs Euangeliques.

RECVEIL DES
T I E R S L I V R E D E L' E S T A T
du commun peuple.

En ce tiers liure reste de parler de l'estat du commun peuple, lequel (helas!) sera fort diuers, car en particulier se ferōt plusieurs debatz, accusations, meurtres, emprisonnemens, haines, seditions, trahisons & tumultes, & esmouueront les ires du temps passé, & ainsi leur viendrōt plusieurs tribulations, lesquelles seront diuerses, selon la diuersité des climatz.

*PLVSIEVRS SEDITIONS S'ESMOU-
ueront en Hongrie, Boheme & Bauiere, par lesquelles
plusieurs seront mis à mort. Chapitre premier.*

 **C**es principaultez dessus nō-
mées se i ont esmeües & plei-
nes de tumultes & seditiōs,
sans aimer paix. Aucũs se-
ront entre le peuple qui les enflam-
meront, & induiront leurs courages
à criz

à criz & contentions mortelles. Ilz desireront par batailles ciuiles, & fureur de nuire à leurs voyfins, & les vns aux autres, & mourront plusieurs d'iceux de mort intemperée par infortune subite, & seront iectez souvent impetueusement ius de leurs cheuaux. Plusieurs seront periclitez en la mer, tant par tempeste que par infortune des rochers, & aucuns serōt noyez dedās les fleuves, ou ilz mourront de quelque autre mort subite. Les autres perdront leurs parens & amys, à cause de ceste mauuaise conionction & eclipse.

*DE L'ESTAT DES ALSACIENS,
Syennois, Gaullois & Cymbrois. Chap. ij.*

PLusieurs de ces nations aurōt des aduersaires, mais en la fin les verront oppressez de diuerses fortunes. Le peuple sera immoderé quant aux

RECUEIL DES

acoustremens, pour paruenir aux de-
duitz de dame Venus . Les hommes
& femmes auront debatz entre eux,
qui dureront long temps, & se ferōt
des nopces indecentes & deshonne-
stes. Plusieurs femmes vefues impudi-
ques & mariées apres à leurs paillars.
Pareille chose sera des femmes ma-
riées. Aucunes seront steriles, & les
autres seront vilaines sans craindre
aucun deshonneur. Aucunes seront
mariées avec les prestres, apostatz &
religieux, & seront veües de mauuai-
ses perturbations entre ceux qui se-
ront mariées.

DE L'ESTAT DE L'EMPIRE
Romain. *Chapitre ij.*

CEux de l'Empire Romain cleuez
en dignité seront en grãde crain-
te, & seront en danger de cheoir de
leur estat, & de perdre leur honneur,
&

& cognoistront la ferocité de Mars, principalement ceux qui auront le douzième degré pour leur significateur. Plusieurs d'iceux seront bruslez tous vifz. Aucuns seront noyez, & aucuns seront penduz. Leurs seruiteurs & seruantes leur feront de grands dommages, & leur prendront & retiendront iniustement leurs biens.

*DE L'ESTAT DE FRANCONIE, NIGRESILUE & Rhenane contrée.
Chapitre iiij.*

EN ces parties viendront aucuns signes de gloire & de magnificence, & se mettront à s'esjouir & à danser: ilz seront enclins à la guerre, & seront soustenuz, & pour vn temps fors & courageux par dessus tous autres, apres ilz perdront aucunes de leurs dominations, prelatures & offices, avec diminution de leur hon-

RECUEIL DES
neur, & apres plusieurs decherrôt de
haut en bas, & seront humiliez.

*DE L'ESTAT DE MOSELLE ET DE
Treues. Chapitre v.*

CEux de Moselle & de Treues pré-
dront grand labeur d'auoir la co-
gnoissance de plusieurs sciences par
subtilz moyens, & aymeront Philo-
sophie: mais plusieurs perdront leurs
dignitez & prelatures. Et si fortune
pour vn temps esleue en prosperité
les mauuais, toutesfois en la fin elle
les met au bas, & les faiçt mourir tres-
miserablemēt sans faulte: toutesfois
les corps celestes gracieux & clairs
les gardent souuent de diffortune.

*DE L'ESTAT DE FRANCE PICAR-
die, & des lieux circonnoysins. Chap. vi.*

CEux de France & de Picardie se-
ront oppressez de diuerses cala-
mitez, tant de la guerre que de la pe-
ste.

ste. Ilz deuiendront debiles, & seront vexez de diuerfes maladies, principalement d'epilepsie, de paralyfie, & autres procedâtes de causes froides. Aucuns seront en danger de lepre, & mourront de mort intemperée.

*DE L'ESTAT DES SAXONS, DE
Hasse, & de Thuringe. Chap. viij.*

LA presente constellation sera cause de faire aux pays nômez beaucoup de pauures gens par dommages continuelz, & endurerôt des labeurs par la persuasion d'aucuns docteurs qui prescheront des choses nouuelles, & seront long temps hays des autres nations. Il sera difficile de porter marchandise esdictz pays sans grand danger. Plusieurs d'iceux seront infortunez, tât dessus la mer que dessus les riuieres, & serôt noyez ou en danger. Le peuple sera fort seditieux, en-

RECVEIL DES

clin à larrecin & à effusion de sang,
& seront fort impatiens en leurs ad-
uersitez.

DE CE QVE DEMONSTRÉ LADIL-
le constellation, quant aux femmes grosses.
Chapitre viij.

ENtre vous auditeurs honorables,
afin que de mes paroles ie ne vous
fâche, escoutez ce que ie veulx dire
des femmes lesquelles sont de l'or-
donnâce de Dieu, le soulas des hom-
mes, & la ioye de ceux qui sont aux
conuiues. Et sont l'ornement de la
maison, lesquels Dieu a ornées de di-
uerses & belles proprietéz. Nous som-
mes tenuz de prier pour elles: afin
que Dieu vueille destourner son ire
d'icelles. Ceste cruelle constellation
les menace de diuerses infortunes, &
leur predict des dâgers de leur fruit:
car elles seront en danger de leurs
person-

personnes, & pareillement leurs enfans. Elles auront des douleurs tres-horribles à enfanter, avec cris espouëtables: & tout ce procedera de Saturne le malin. Aucunes mourrōt à l'heure de l'enfantement, & souuent aduiendra que les petitz mourront au ventre de la mere, & les autres serōt dilaniées par pieces. Les petitz enfãs mourront par grande multitude au berceau: & quand on pensera qu'ilz doiuent venir à perfection, ilz mourront ou languiront par la malignité de Saturne.

CESTE CONSTELLATION INDI-
ra plusieurs à luxure abominable.

Chapitre ix.

Ceste constellation paruiendra en la quinte maison de l'horoscope laquelle est induisante à volupté, & peruertira les œuures de nature lici-

L ij

RECUEIL DES

tes, & se conuertira à volupté desordonnée. Et alors les hommes seront enclins à toute lasciueté & intemperance de la chair, & seront addonnez à gourmandises, ebrietez, & à tout amour impudicque & prohibé. Elle induira les mechans Italiens & aucuns François à amour illicite des enfans, & ce cõtre l'ordre de nature. Elle induira à commettre fornications, incestes & adulteres, & à plusieurs autres abominables actes, quand par ardeur vilaine descendent à l'amour des bestes brutes, sans auoir crainte ne amour à Dieu.

CESTE CONSTELLATION INCLINERA les femmes, les vierges, & les religieuses à concupiscence charnelle. Chap. x.

Venus colloquée en ladicte maison cinquieme rendra les femmes molles, voluptueuses et delicates
aymans

aymans vie pleine de plaisirs mondains, comme fist Sardanapalus. Et sera tresdifficile de les reduire à continence & sobrieté: elles s'adonneront à la volupté charnelle du corps, & vèdront leur corps, & serōt fort promptes à attirer argent, & en penseront acquerir deuers le peuple honneur & loüange: Mars le cruel prouoquera plusieurs vierges & religieuses à commettre plusieurs actes impudiques: elles orneront leurs corps par diuers moyens, & voudrōt augmenter leur beauté par vnguēs & odeurs aromatiques, & menerōt vne vie toute lasciue, delaisant toute chasteté & honesteté.

IL MONSTRE COMMENT LES CHOSES dessus nommées peuvent estre faittes par raison naturelle. Chap. xi.

Toute la vertu naturelle, animale & vitale a son commencement &

RECUEIL DES

naissance du corps appete selõ diuer
ses parties de soy faire telles opera-
tions. Auicenne dit, que toute vertu
est commencement d'operation, &
que nulle operation ne prouient si-
nõ de vertu. Tous les espritz qui sont
les instrumẽs des vertus ont leur nais-
sance au cœur, & quand ilz paruien-
nẽt aux cellules du cerueau, & qu'ilz
font les operations du mouuement
du corps, ilz sont nommez la vertu
animale: & quand le cœur est alteré,
tous les espritz sont alterez, & apres
toutes les vertus, & consequemment
sont alterées les operations. Auicen-
ne dit au troisiẽme canon, & au cha-
pitre de melancolie. L'esprit animal
est contigu & conioinct à l'esprit vi-
tal, & est de sa substance: & pour ce
quãd sa complexion est corrompue
elle corrompt la complexion du cer-
ueau

ueau, & luy communicque la melencolie. Et tout ainsi que la complexiõ du cœur est discraliée ou disposée, ainsi la maladie est mortelle ou non mortelle : & de luy procede la cuite de la maladie & le mouuement d'icelle : & pour ce en aucunes pestilences aduient au quart iour la determination cretique. Or ainsi est que les espritz sont alterez de l'air inspiré, lequel donne euentation au cœur, & est la matiere de laquelle les espritz sont créés, l'air est meslé avec la subtile substance des corps celestes, ce sont leurs rays, lesquels luy donnent diuerses proprietéz selon les influences qui regnent. Et de ceste alteration a parlé Auicenne, au chapitre de la fiere pestillentielle, disant : Aucune-fois aduient que les vertus celestes & terrestres font humidité en l'air, & le

RECVEIL DES

corrompent, & quand les hōmes l'attirent, il corrompt la complexiō du cœur & les espritz, & le commencement de ceste corruption est vne influence, qui faict estre necessairement l'air ainsi disposé. Donques nous concluons qu'aux temps que se font au ciel de grandes coniunções & des signes en l'air, ilz disposent l'air à diuerses inclinations & effectz, selon leurs vertus & proprietéz.

*IL DEMONSTRE COMMENT L'IN-
fluence des corps celestes peult durer long
temps. Chapitre xij.*

LEs effectz des cōiunções des planettes & des eclipses ont acoustumé d'estre continuez & fortifiez par long temps: car comme nous auons dict, le fondement des operations du corps est au cœur, & l'alteration des vertus procede de l'alteration des espritz.

pritz. Quand les espritz genitifz sont alterez par les corps celestes, il est requis que celuy qui sera engendré, aye les inclinations qui procedent des planettes, lesquelles auoyent ainsi disposé l'air, & ses inclinations viendront aux successeurs d'iceux, comme chascun peut cōgnoistre. Et pour ce Iacob cognoissant ceste cause (cōme est dict Genes. xxix.) ne voulut point pour son salaire prendre des brebis du troupeau de son beau pere Laban, & vouloit seulement celles qui estoient de diuerses couleurs. Il prenoit donques des verges des poulpiers, & ostoit vne partie de l'escorce, & les mettoit deuant les brebis quand elles conceuoient, & par ce moyen estoient de diuerses couleurs. Auicenne dit à ce propos, que les enfans tiennent les complexions des pa

RECUEIL DES

rens : principalement les affections qu'ot le pere & la mere à l'heure qu'il est conceu, à cause que les fortes imaginations donnent à la semence vertu inclinatiue. Et par ce moyen croissent les coustumes & les mœurs . Les loix sont constituées, & les sectes continuées. Par ceste cause les coustumes des regions durent long tēps: & tout par les effectz des significations & cōiunctions des astres, & durēt iusques à la fin prefigurée par icelles, tāt qu'il vient de nouvelles coniunctions destructiues d'icelles , comme il appert de plusieurs sectes : & pour ce n'est point chose superstitieuse de croire telles choses . Quand la grande coniunction fut au signe du Scorpion dessus l'image d'Eridanus : ceux de Boheme trouuerent vne nouvelle secte , laquelle print fondement de Ian Vuiclef

Vuiclef, Hierome Hus, & Rochéza-
na. Dessus ceste presente coniunctiō,
qui durera iusques à l'an mil cinq cēs
lxxvj. ou enuiron, l'Eglise Romaine &
toutes gens d'Eglise auront à souffrir
des persecutiōs sans nōbre. Apres en
viendra vne autre mauuaise au signe
d'Aquarius dessouz l'image d'Alphe-
ras : & dessoubz icelle cessera l'Empi-
re Romain . Apres en fera vne autre,
au signe de Capricornus, dessoubz l'y
mage de celuy qui verse l'eaue, par la-
quelle l'Empire des Romains sera di-
uisé en dix parties. Apres icelle vien-
dra vne autre coniunction en Libra,
dessoubz laquelle sera né vn enfant
de la lignée de Dan, lequel fera des
maulx innumerables. Aucuns pen-
sent que ce sera l'Antechrist. De tou-
tes les choses qui sont faictes, la fin a
esté mise par le gouuernement des

RECUEIL DES

corps celestes: cōbien qu'aucuns legislateurs pensent que leurs statuz & les Royaumes soyēt perpetuelz, mais le ciel ne l'admet point.

*DE LA DISPOSITION DES BIENS
de la terre, durant le temps de ceste coniu-
ction. Chapitre xij.*

ALbumazar en son traicté vj. differencia viij. dit que l'eleuation de Saturne dessus Iupiter est cause de la destruction des biens de terre, à cause de la grande siccité de l'air & defaute de pluye. Et cōme dict Antoine au x. chapitre, quand Mars est dispositeur de quelque coniuñtion, il denonce de grandes pluyes portans dommage. Et quand ilz sont en leur regne, & qu'ilz sont contraires egallement, & meslez deüement, est faict en l'air quelque temperance, quant aux qualitez passiuës, ce disent aucuns, laquelle

quelle chose est faulſe : car il ſõt tous deux mauuais : & pour ce porteront dõmage par deux moyens, c'eſt aſçavoir en ſechereſſe ſuperflue, & habõdance de pluye. L'humiditẽ de Mars n'eſt point vtile pour la germination des biens de terre, mais eſt impetueuſe & ſuffocatiue. Il produict des tempeſtes & des pluyes & nuẽes qui nuifõt aux fleurs, aux arbres, aux bledz, & aux herbes. Mais l'humiditẽ amiable de Iupiter & de Venus nourrit les ſemences en la terre, elle les faiçt croiſtre et paruenir à bonne maturation. Et pour ce que Mars & Saturne regneront, nous concluons que ſouuent auendra ſterilitẽ & chertẽ durant le regne de ceſte cõionctiõ. Par le mauuais aſpect de Mars les gẽdarmes pilleront les laboueurs. Et Saturne gaſtera les blez, & ne ſe pourront gar-

RECUEIL DES

der, & amenera des ventz pestiferoux:lesquelz produiront peste & diuerses maladies . Lesditz ventz gasteront la terre , ilz vexeront les nauires sur la mer,& durerōt ces mauix long temps .

*QV' AUCVNS CLIMATZ SERONT
vexez de diuerses infortunes. Chap. xiiij.*

IL y a aucūs ignares , qui disent que les constellations n'œuurent point particulièrement:mais seulement vniuersellement, mais leur opinion est faulse,cōme nous prouuōs par le dict d'Aristote. Les choses vniuerselles sont es particulieres:et qui destruiroit les choses particulieres, les choses vniuerselles ne seroiēt plus.Ptolomé & Haly disent,que l'Astronome peult faire ses iugemens particuliers. Et disent,que le signe de l'ascendant de quelque ordonnance ou election
du

du Roy ou de Prince, demonstre force ou debilité aduenir, selon ce qui est fortuné ou infortuné, regardant le Roy ou le peuple.

L'an mil quatre cens nonãte deux & nonante trois sera bon pris de vin & de bled en haulte Allemaigne, en Frãce, en Angleterre, & en Gaule belgique. Les gens iront de lieu en autre par crainte de la mort. En la terre de Midy les grands seigneurs aurõt entr'eux de grandes discordes. En Occident l'eau fera de grands dommages au pays. Les Iuifz seront bien fortunez & exaltez. Les Turcz feront grãd guerre aux Chrestiens. Les citoyens trembleront en plusieurs villes, & mourrõt plusieurs grands seigneurs dont leurs subiectz serõt fort tristes. Les layz qui residēt dessouz le Lyon auront des nouvelles persecutions.

RÉCUEIL DES

Jupiter s'oppose à l'encontre de Saturne, lequel entre en la maison de Mars prince des viuans, & les Leoniſtes auront à ſouffrir. Et ces maux reuiendront de-rechef l'an mil cinq cens xxj. & xxiiij. car le Soleil ſ'eclipſera deux fois, & la Lune trois en trois ans.

L'an mil quatre cēs nonāte quatre et nonāte cinq viendra cherté de bledz & de poiſſons. Les draps ſeront à bō pris, l'air ſera troublé, & ſerōt de grādes pluyes. En Occident viendrōt de grands maux avec effuſion de ſang. En l'Egliſe ſeront des grandes diſcordes. En Septentrion, en Dace, en Friſe ſeront de grands tonnoirres & ecliptres & feu. Les Saxons aurōt debatz avec ceux de Septentrion: & quād les femmes verront que leurs mariz ſeront tuez, elles crieront vers le ciel.

Les

Les poissons mourrôt dedans l'eau, & la terre de Midy & d'Oriët se porteront bien.

L'an mil quatre cens nonante six & nonante sept Saturne l'infortuné vexera les royaumes de Polôgne, de Boheme & de Hongrie. La laine sera chere, les Oüailles, les Bœufz & les Porcz mourront, les metaux seront chers. Toute malice de guerre s'es-mouuera, & trouueront les hommes diuers instrumens de guerre, & har-nois, & se feront ioustes & tournois. Les Loups feront plusieurs domma-ges, tant aux gens qu'aux bestes. En Orient seront plusieurs brigans & homicides, qui feront effusion de sang, & sera diminuée la foy. Les che-uaux serôt chers à cause de la guerre. Les Ecclesiastiques reformés iront de costé & d'autre, & les layz s'es-iouirôt.

RECUEIL DES

L'an mil quatre cens nonãté huiãt, nonante neuf, & cinq cens viendra le sceptre de malice à ceux de Thuringe, de Haffe & aux Saxons. Pareillement à ceux de Franconie, es parties d'environ viendra cherté de viures, & viendra ausdictz lieux de grãdes pluyes en tẽps d'esté, & dureront long temps. Il se smouuera des guerres ciuiles entre les parens & affins, & aduiendra grande altercation entre les layz & les gẽs d'eglise. Les bestes serõnt cheres, les oüailles & les bœufz mourront, les seigles auront contrarieté par la froideur de l'air: les femmes forneront de diuerses sortes, pour induire à peché les hommes, & en leur enfantement se porteront mal: les laboureurs serõnt vexez de gẽs darmes & de leurs superieurs.

L'an mil cinq cens & vn, cinq cens

&

& deux, les villes d'Allemaigne porteront en plusieurs lieux la croix de lamentation, & reuiendra inobediēce à l'encontre de l'Eglise Romaine: les marchands auront de diuers dō-mages, & les Legistes deuiendrōt trīstes . Il viēdra quelque nouuel ordre aux loix, & les constitutions anciennes serōt delaissées: alors France aura guerre tant par mer que par terre, la foy & fiance du commun peuple & des marchands sera abolie, & viēdrōt en plusieurs lieux deluges particuliers. Tous viures seront chers, & plusieurs deuiendront pauvres, les gou-uerneurs des villes & communautez auront les testes trenchées, & les ci-toyens excogiteront plusieurs maux à l'encontre de leurs superieurs. Plusieurs maux aduiendrōt vers le Ryn, & en haute Allemaigne: & viēdra vn

RECUEIL DES :

qui dominera par dessus plusieurs.

Après l'an mil cinq cens & trois, & cinq cens & quatre, seront de grandes marchādises en la mer, & aux fleuves, & les eaux inundantes feront de grands dommages, les porcz seront chers, & fera beaucoup d'aueines, les vins ne pourront venir à maturité, par le deffault du soleil. En occident sera grande cherté: es parties de midy & d'orient se feront des nauigations tres-bonnes. L'esté sera froid: & sera beaucoup de foin: & serōt plusieurs lepreux: & seront plusieurs malades de maladie de la poictrine.

L'an mil cinq cens & cinq, cinq cēs & six, & cinq cens & sept viēdra grande chaleur, tellement que les eaux se desseicheront aux ruisseaux: & mourra le bestial aux montaignes par faulte d'eau. En plusieurs lieux la terre
s'enflam-

s'enflammera & bruslera par abondance de chaleur, les poissons mourront es estangz & riuieres, & les serpens mourront en la terre, & les brigans viendront à piller les pelerins: Beaucoup d'iceux seront penduz, & aucuns auront la teste couppée, les riches descendrôt, & les pauvres monteront en richesses. Alors serôt veuz plusieurs signes en l'air en Autric & en Lõbardie. On verra des mousches volans par l'air, lesquelles ferôt damage en plusieurs lieux. Batailles capitales s'esleueront entre les princes, & l'air sera infect de venin incurable, & sera faict es pierres precieuses, & metaulx diuerses faulsetez.

L'an mil cinq cens huiët, neuf, & dix viendra de rechef le sceptre de discorde vers le Ryn en Allemaigne, les vierges perdront leur pudicité, &

RECUEIL DES

feront plusieurs choses detestables. Les Beguines seront apostates, & seront plusieurs sodomitiques. Plusieurs artistes, escriuains, peintres, & plusieurs gens sçauans seront vexez, & deuiendront pauures. Vers Magonce seront plusieurs vexez de colique-passion & de fieures. Les choses sont demōstrées par le malin Saturne, qui entre en la maison de Mercure, lequel point les humains de l'eguillō de tribulation.

L'an mil cinq cens vnze & douze viendra tribulation aux parties de Midy, en France, en Lombardie, en Dauphiné & Espagne, & es lieux circonuoyfins, toutes choses seront cheres, & viendront de grandes guerres, principalement entre les parens & amys. Les femmes se mocqueront des hommes. Les Italiens serōt vexez de peché

peché cõtre nature:& plusieurs mourront de flux de sang. Les scádales seront mucz en honneurs, les mechans seront aymez des seigneurs, & les iustes seront vexez. Les religieux serõnt remis de deuotion, & viuront sans obedience, adonnez à tous pechez.

Après ces choses viẽdra vne influẽce celeste es parties de Septentrion, d'Angleterre, de Noruegie & de Dace, & dessus les poussins de la geline, lá ou il se fera vne bataille, en laquelle se fera grande effusion de sang. Et alors la malice de Mars suscitara les Allemãs et Scõrpiõnistes, & plusieurs d'iceux seront tuez. Alors les tyrans seront aymez & doutez, & les hommes cõmencerõnt à viure sans foy, les femmes auront beaucoup à souffrir: & l'air infect sera cause de cherté.

En Bauiere sera grande effusion de

RECUEIL DES

fang, tant entre les layz qu'en l'Eglise: car ceux de Bauiere sont deffoubz le Scorpion. Ceux de Midy aurót de diuerfes fortunes, & se feront diuerfes batailles deffus la mer. Et ceux qui seront prudens, & ne consentiront point à ces abusions, endurerót beaucoup, & durerót ces maux long tēps & en plusieurs lieux.

Après viendront de tresgrandes infortunes de guerre au royaume de Hógrie par les Turcz, pareillemēt en Boheme, en Moranie, en Polongne, en Misie, & aux païs circonuoyfins. Ceux d'Orient endurerót beaucoup de dōmage. Le fceptre de toute infortune descēdra vers iceux, & apres ceste tribulation, Prage & Constantinople seront reduictz à l'Eglise Romaine, & s'esmouueront à l'encontre des Turcz. Plusieurs Lyons, bestes & oyseaux

oyseaux viendront de Midy, de Septentrion, & de la terre de la Vierge. Et apres entre les iuristes & les recteurs de l'eglise sera faicte nouvelle restauration.

Cinq ans apres reuiendra la famine & l'ogues froidures en Lorraine, en Calabre, en Luxembourg, en Ifflic & Moselle, & viendra peste subite es parties d'Occident. Il viendra si grande froidure que les oyseaux mourront deffoubz les toictz, & les bestes aux mōtaignes. L'esté sera beaucoup d'eau, & viendrōt les laboureurs qui feront guerre à l'encōtre des nobles: plusieurs decherront de leur puissance. Il viendra altercation entre les electeurs de l'Empire, & adonc l'Eglise aura à souffrir. Le peuple sera fort troublé en plusieurs parties du Ryn. Alors viendra vn homme qui fera

RECUEIL DES

grãde reformation à l'Eglise de Coulongne, de Treues, & de Magonce, & auront à souffrir plusieurs personnes ecclesiastiques à cause qu'ilz perdrõnt leurs benefices. Ce ne sera point alors le tẽps de sainct Syluestre, qui voulut enrichir l'Eglise, cõme nous auons dit.

Après sera le Ryn & les personnes ecclesiastiques en bonne paix, & le sceptre de discorde sera osté d'iceux. Alors sera nouvelle formation, nouveau regne, & honneste conuersation, tant en l'eglise qu'entre les layz: mais ceux qui habitent sur la mer seront cinq ans en tristesse. Et le Turc vers son vieil aage occupera aucunes parties d'Occidẽt. Alors sera tué vers Agripinne, & l'Empire de Trapesõce sera reduict à la foy catholique, par ceuz qui portent la croix. Les gẽs dar
mes

mes Allemans, Iouistes avec iceux recouurerôt Prufce, & Pológne & Ruthene perdront leurs biens . Saturne avec Mars puniront cruellement ceux qui ne voudront obeir à l'Eglise , & les Turcz qui font & ont esté en honneur pleureront , & seront dispersez en plusieurs lieux comme serfz, & adonc l'Eglise reprendra son estat de charité. Les Anglois, Bretons, & ceux qui sont prochains souffriront beaucoup de tribulations en ce temps.

Après ceux de Rome, de Naples, de Gennes, & lieux voisins, iusques en Gallice, feront entre eux guerre, & sera famine aufditz pays. Il sera vn nouveau Roy qui troublera plusieurs pays. Il sera seigneur de la mer meridionale iusques en Occident . Plusieurs bestes & oyseaux luy obeyront

RECUEIL DES

par sa tyrannie. La ville de Rome avec le Pape sera en tristesse, ayant dueil de l'effusion du sang des innocens. Les Allemans s'esjouyront d'auoir trouué vne nouvelle institutiõ: & deux cornes regneront en Allemagne: & le peuple sans chef eslira vn Prince, à cause qu'il sera fort persecuté par armes & par feu. Le peuple de dure ceruelle sera subiect à l'Empire Romain. Et alors demeurera l'Empire en paix, iusques à l'an mil cinq cés & septante deux. Combien que pendant ce temps aura à souffrir de diuerses nations. Les causes pourquoy, nous les laissons à cause de briueté.

*EXHORTATION AUX LECTEURS
du present Liure.*

ENtre vous Lecteurs & Auditeurs qui lisez ou oyez ce petit liure: ie vous supplie penez la patience de le lire

lire benignement : & ce qui sera digne d'estre corrigé qu'il le soit, en excusant mes fautes. Il n'est celuy si parfait qui ne faille bien aucunesfois, Et pour ce me confiant de plusieurs, ie me suis mis à composer ce petit liuret, pour porter vtilité à la chose publique, & à tous les Princes: car (comme nous auons dit) les estoilles & planettes enclinent à diuerses œuures et passions . Et pour ce chacun pourra trouuer moyen d'y obuier: Car le sage a domination par dessus les influences des planettes . Et si Dieu tout puissant permet telles choses futures pour noz pechez, nous deuõs recourir à sa misericorde : nous armant de l'escu de foy & de patience. Et combien qu'ainsi, ou ainsi doiue aduenir par la diuine volunté, toutefois quãd on le sçait par iugement ou coniectu

re, on n'en est point tant tourmenté:
car on se prepare à soustenir les auer-
sitez par patience & humilité, afin
qu'on en ait retribution de Dieu en
la vie eternelle. A laquelle nous puis-
sions paruenir apres les tribulations
de ce monde, afin que nous puissions
voir eternellement celuy en qui est
toute nostre felicité. Amen.

F I N.

